



बड'सा'याव लिह्हरनायनि हुवा खालाम,
"बड'सा" खौ नौथो, जौ बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 10 April, 2023 Kokrajhar, BTC, Assam ★ Vol.- 33, Issue No. 18 ★ R.N.I.Regd. No. 40994/91, Assam Govt.Regd.No.IPRD.40/2006/13, ★ Rs.8/-

डिब्रुगड मुलुगसोलोसालि बर' फरायसा आफादआ आगु रंजालि बैसागु फोबो खुंदो

कक्राझार, 9 एप्रिल: दिने डिब्रुगड मुलुगसोलोसालि बर' फरायसा आफादनि बान्जायनायाव खुंगा 5थि आगु रंजालि बैसागु फोबो खौ सानसेनि मेहेरगोनां हाबाफारिजो डिब्रुगड मुलुगसोलोसालि सिडव थानाय बड' बिफाननि नब्लाडव खुंफुनाय जायो। बे हाबाफारिखौ डिब्रुगड मुलुगसोलोसालि बड' (□ 5 बिलाइआव)

गाहाइ मन्थि नरेन्द्र मदिआ आसाम दावबायफैगोनखौ लानानै गिबि मन्थि ड० हिमन्त बिश्व शर्माआ खौरांगिरि मेल खुंदो

गुवाहाटी, 9 एप्रिल: आसाम सेक्रे टारिएट एबा जनता भवनआव आसामनि गिबि मन्थि ड० हिमन्त बिश्व शर्माआ फेगो 14 एप्रिलखालि भारतनि गाहाइ मन्थि नरेन्द्र मदिआ आसाम दावबायफैगोनखौ लानानै खौरांगिरि मेल खुंदो। गिबि मन्थि ड० शर्माआ फोरमायनाय बादिब्ला, 14 एप्रिलखालि सानसेनि हाबाफारिजो गुवाहाटीआव गाहाइ मन्थि नरेन्द्र मदिआ दावबायफैगोन। साननि 11.30 रिंगायाव



गुवाहाटीनि उरां जाहाज गाथोनआव सौफे नानै गिबियावनो आइआइटि गुवाहाटी आरो बेनि उनाव अल इन्डिया इन्स्टिट्यूट अफ मेडिकल साइन्स (एम्स)आव दावबायफैगोन। गिबि मन्थि ड० शर्माआ गुवाहाटी एम्सनि खामानिखौ आथिखालाव 85 जौखोन्दो आबुं जाबाय होन्नानैबो खौरांगिरि मेलआव फोरमायदो। एम्स लुफुनायनि (□ 5 बिलाइआव)

गसाइगाव नोगोर आफादनि स'नाथि माइथाय फालिथाय खुंदो



गसाइगाव, 9 एप्रिल: कक्राझार जिल्लानि गसाइगाव नोगोर आफादनि 50 थि बोसोर आबुं जानायनि लोब्यायै दिने सानसेनि मेहेर गोनां हाबाफारिनि गेजेरजो स'नाथि माइथाय फालिथाय खुंनाय जायो। गसाइगाव नात मन्दिरनि लांगोनायाव खुंनाय स'नाथि माइथाय फालिथायनि लोब्यायै फुनि 6 रिगायाव आर'ज गाबनाय हाबाफारि खुडो। बेनि उनावो (□ 5 बिलाइआव)

देग्लायबो गाजा-गोमजायै बाउखुंग्रि फोबोखौ खुंगोन

कक्राझार, 9 एप्रिल: सोलिफु दाननि 12, 13 आरो 14 एप्रिल अक्टआव सानथामनि हाबाफारिजो 10 थि बाउखुंग्रि फोबोखौ बिटिआर सरकारनि दावबायारि बिफानआ खुंनो थि खालामदो। बैसागु फोबोनि सिगां खुंनो लानाय



बाउखुंग्रि फोबोखौ 12 एप्रिल अक्टआव बिटिआरनि गाहाइ खुंगिरि प्रमद बर'आ बेखेवनानै होगोन। देग्लायनि बे बाउखुंग्रि फोबोआव बर'नि गोदो-गोदायनि फ। य सोलिनानै फेनाय दोरोडारि खारनाय-बान्नाय गेलेनाय, (□ 5 बिलाइआव)

सिमलायाव बिपिएफ दोलोया हान्जा सुन्याय आरो सुबुं सांग्रांथि मेल खुंदो

प्रमद बर'आ बिटिआरआव लाथिख' जौगाथाय खालामदो: हाग्रामा

सालबारि, 9 एप्रिल: बिटिआरआव प्रमद बर'आ लाथिख' जौगाथाय खालामदो। प्रमद बर'आ श्रीरामपुर गेटआव रां लानानै जाखल'दो। बे खोथाखौ बुंदो बिटिसिनि बाररा' गाहाइ खुंगिरि आरो बिपिएफ दोलोनि आफादगिरि हाग्रामा महिलारीआ। दिने बाकसा जिल्लानि सालबारि महकुमानि कक्लाबारि बियाबनि



सिमलायाव कक्लाबारि ब्लक बाहागो लानानै बिपिएफनि बिपिएफनि बान्जायनायाव आफादगिरि हाग्रामा महिलारीया बुडोदि, बिटिआरआव खुंनाय सुबुं सांग्रांथि मेलाल

जौगाथायनि सोलायै गेना-खाथिजो जादो। पिएमएवाइ न'खौ लानानै गुबुन गुबुन बिथाखिफोरा जाफुंसार महेर मावफुं जायाखे। बिटिआरखौ फोजोबसोनां नाजादो प्रमद बर'आ। जयनि थाखाय जौ बिपिएफ दोलोया ओंखारबोदो। जौ बिटिआरखौ फोजोबसोनां होया आरो राइजो-राजाफोरा (□ 5 बिलाइआव)



आसाम मोब्लिब जगाइथाय कम्पनी लिमिटेड
(आसाम सरकारनि मोनसे पब्लिक लिमिटेड कम्पनी)

स्मार्ट प्रिपेइड मिटारआ मोब्लिब बिलखौ बांहोया



जुदि नौथाडा

स्मार्ट प्रिपेइड मिटारजो

सोमोन्दो थानाय जायखि-जाया सौथि एबा हेफाजावनि थाखाय नौथाडा गाहायाव होनाय राहाखौ बाहायनो हागोन।

1 नौथाडा जौनि हेल्फ लाइन नम्बर 1912 आव कल खालामनो हागोन।

2 नौथाडा www.apdcl.org एबा myBijulee एफनि गेजेरजो नौथांनि सौथिखौ दैखानो हागोन।

3 नौथाडा जायखि-जाया सौथिखौ जौनि सशेल मिडिया हेन्डेल (फेसबुक आरो टुइटर)आव टैग खालामनानै [@apdclsocial](https://twitter.com/apdclsocial) नि गेजेरजो दैखानो हागोन।

4 नौथाडा साब-डिभिजनल मावखुलियावबो फोनांजाब खालामनो हागोन।

5 नौथाडा support@apdcl.org आवबो जौनो मेल दैथायहरनो हागोन।

1 स्मार्ट प्रिपेइड मिटारनि बिथिडव उफ्रा सार्च फोनांनाय नडा आरो थाखानाय बेसेनानो मावफुंजागोन।

2 नौथांनि मोब्लिब फोनांजाबया आबुं महेर पस्ट पाइडयाव सोलायब्ला नौथाडा आद्रा थानाय पस्ट पेइड बिलखौ खेबसेनो सुख'नायनि सोलायै इनस्टलमेन्टनि बिथायाव सानफ्रोमबो सुख'नो हागोन।

3 मोब्लिब बाहायनायनि सायाव जिंगासिदोब्ला, स्मार्ट मिटारनि मोब्लिब बाहायनानै नायबिजिरनो थाखाय लोब्ला गोनां साब-डिभिजनजो फोनांजाबनानै नौथाडा स्मार्ट मिटारजो सेक मिटारबो गायसन्नो हागोन।

4 **myBijulee** एफनि गेजेरजो नौथाडा नौथांनि सानफ्रोमबो मोब्लिब बाहायथायखौ नायबिजिरनो हागोन।

5 नौथाडा गोजोन्नाय गैयाब्ला, एपिडिसिएलनि बिबानगिरिफोरा जायगायावनो नौथांनि स्मार्ट मिटारखौ आन्जाद खालामना दिन्थिगोन।

स्मार्ट प्रिपेइड मिटारनि आद्रा थानाय रां दानख'नायनि राहा

1 समार्ट मिटारआव थांनाय साननि बाहायनायखौ बिलिंखौ सानफ्रोमबो खालामनाय।

2 नाथाय, गिबि बिलखौ दानख'नायनि गिबि साननि बाहायनायनि सायाव बिथा खालामनानै थियारि खालामनायनि प्रिपेइड सोलायनायनि उनाव कनर्भासननि अक्टसिमनि सायाव सोनारगोन।

3 बेनिखायनो प्रिपेइड कनर्भासननि उननि सानाव प्रिपेइड आद्रा रांनि दानख'नायखौ नौथाडा नायनो हागोन।

एपिडिसिएलआ मोनसे आबुं ट्रेन्सपारेन्ट मिटार रिडिंखौ मावफुंगोन आरो स्मार्ट प्रिपेइड मिटारनि गेजेरजो बिलिं सिस्टेम खालामदो।

सुजुगिरिनि खोलोम

जौ-जुवाया समाजखौ बेंगुरा खालामो

मिबथिस्ताबे समाव बाइदिसिना जाहोन आरो फोबॉनि समफ्राव लोगो लोब्वानि गेजेरजों रंजानाय-बाजानाय आरो दिखार दाहानि समफ्राव फेग्रा मुवा जानाय, लॉनायनि हुदाया लाइमोन फोलेरखौल' खैफोदनि बांग्रि ख'बाव खोख्रैयाखै-समाजनि गासै थाखोयावनो अलखद लाबोदों। आथिकालाव फेग्रा मुवा बाहायनाया जेरै बांबोदों बिबिदोनो बेनि ज'गायनायाबो सानफा एफा एरलाबबोदों।

जौखौ गाज्रिनि अनगायै रावबो मोजां बुडा, बुंबोयाखै। जायखौ जौसाय होन्नानै बुडो बे जौसायाबो जौखौ मोजां होन्नानै बुडा-बुंगोनसो गोसा, गोखै, सायनाय, गोले, गोरा, नोरोम खामनाय बाइदि बाइदि। नाथाय जौखौ गाज्रि होन्नानै बुंग्रा मानसि नागिरनानै मोन्नाय नडा जायफ्रा जौखौ लोफेराखै। बेजों गोरोबनाय गौतम बुद्ध बोसोन होनाय-नॉनि गथ'नो आं जिउ होफिन्नो हागौ, होफिनगोन, नाथाय नों बै गामिनि नख'रफ्राव सोंहै, बेनिफ्राय खिन्थाफै बबे नख'राव सासेबो मानसि थैयाखै। -गथ' थैजानाय बिमाया सासेबो मानसि थैफेरै न'खर नाइगिरनानै मोनाखै। बेनि ओंथिया बेनो मानसिया बेराम-आजार जानानै, बोरायनानै थैखायो-बेयो अराय सैथो। नाथाय रायखानांगोया बेसोदि-लोमजानाय, बेराम-आजार सोखानो दिहुन्नाय मुलिफ्राव एलक'हल थाफायो। थानानै थासान्दियाव लोमजाफेरै मानसि नागिरनानै मोनांगोया गोब्रा। बे बिथिडै मानसिनि देहायाव एलक'हल मुवाया हावफाखायो।

बेराफासै जौखौ बर' हारिमुनि एंगारथावयै बाहागो होन्नानै सान्नाय जायो। बोथोरनि बैसागु दमासि फोबॉया दंखायो, थाबाय थागोन बर' हरिया जेसे गोबाव जोरगोन। बेनि अनगायैबो हाबा-खेराय जेरावबो जौ बाहायनाय जायो। नाथाय जेंनाया नुजादों गोबांद्राय बाहायनायनि जिबाउनावसो, जानाय लॉनायनि थाखो आरो पर्दा गैयैयावसो। बोथोर बादालि, फोबॉफ्राव फेग्रा-मुवा बाहायनाय आरो जगायनाय फासै समाजनि गोरों गोरां, राइजो-राजाफ्रानो होबथानाय आरो थि बाहायनायनि राहा लानांसिगौ इयुन जोलैसाफोरनि गोगो इयुननि थाखाय।

दिनेनि फान्जामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ड ष)
 कर्कट : ड ह सिंह : म ट कन्या : प ठ (ण ष)
 तुला : त र वृश्चिक : ब न धनु : ध भ (डू फ)
 मकर : ख ज कुम्भ : ग श (स) मीन : द च (ख ज झ)

- मेष:** माबाफोर मोन्नायनि खाबु मोन्नो हागौ। गोजोनायखौ मोनगोन। मोजां सान।
- वृष:** मानिबा थाखाय रं खर'सा खालामनांनो हागौ। सानै-हयै मावनाया गाहाम।
- मिथुन:** मोजां रंगथिनि थाखाय सन्मान मोन्नो हागोन। फारफ्रोमबो मोजां। गोजोन मोनगोन।
- कर्कट:** मानिबा जेनानि थाखाय जिगा सिनांनो हागौ। गोजोनाय गैयैजों सम बारहोनांगोन।
- सिंह:** जानाय लॉनायाव साबधान जानांगोन। बेरामआव गोगलैनो हागौ। सांग्रडे था।
- कन्या:** दिनेनि सानाव खस्ट मोन्नायजोंनो समखौ हगार हरनांगोन। गोसोखौ हमथा।
- तुला:** जेना जेसि गैयै सुखुयै थानो हागोन। फारफ्रोमबो मोजां।
- वृश्चिक:** जेखि जाया खामानिखौनो सांग्रां जानानै मावनांगोन। जेंनायाव गोगलैनो हागौ।
- धनु:** मानिबा थाखाय अजद दैखं जानो हागौ। जेखि मावा सान्नाया जाफुनाय नडा।
- मकर:** नख'रनि रंखर'सा खालामनांगौआ बांगोन। थाखानाय राड जोबखानो हागौ।
- कुम्भ:** मानिबा थाखाय दुखु-दाहा सैनांनो हागौ। नख'रआव गोजोनाय गैयै सोमजिनो हागौ।
- मीन:** हस्रुबा मैबाफोर मुवा-बेसाद मोन्नो हागौ। गोसोखौ गोजोन मोनगोन। मोजां सान।

गाहाइ मन्थि नरेन्द्र मदिआ हादतनि नोगोरारिफोरनो इस्टारनि गाहाम हामलायथि जासिहदों



गोदान दिल्ली, 9 एप्रिल: गाहाइ मन्थि नरेन्द्र मदिआ हादतनि नोगोरारिफोरनो इस्टारनि गाहाम हामलायथि जासिहदों। गाहाइ मन्थि मदिआ टुइटरआव लिखदोंदि, इस्टारनि गाहाम हामलायथि जासिहदों। बे जस्रुआ खबुआ समाजआव सुबुंफोरनि गेजेरव अनलायनायनि हमदांथिखो आरोबाव गोथीसिन खालामदों। गाहाइ मन्थि मदिआ बुंबावदों, सुबुंफोरखौ समाजनि सिबिथाइ होनो आरो गाहाइ थाखोनि सुबुंफोरखौ मदद होनो थाखाय थुलुंगा होनांगो। बे सानआव जों प्रभु इशा मसिहनि गोथार थांखिफोरखौ गोसोखाडे। हादतगिरि ट्रौपदि मुमुंआबो हादतनि नोगोरारिफोरनो इस्टारनि गाहाम हामलायथि जासिहदों। बियो टुइटर खालामनानै लिखदोंदि, साफ्रोमबो नोगोरारिफोरनो जस्रुआ इसाइ फोलेरनि सुबुंफोरनो इस्टारनि गाहाम हामलायथि जासिहदों। इस्टारआ अनलायनायनि सायाव थुलुंगाखोहोनाय। जिशुआ नंगुबै आरो बिजिरनायनि थाखाय गावनि जिउखौ बावसोमनांनै जोंनो अन्याय आरो रहानि इसार होदों। मख'नो गोनांदि, इस्टारआ इसाइ धोरोमनि मोनसे गाहाइ फोबों। गुड फ्राइडेआव इसा मसिहखौ फ्रुसआव गोथारबदोंमोन। नाथाय बेनि से साननि उनाव एबा रबिबाराखालि प्रभु इसा मसिहआ गोदाने थांखोफिन्दीमोन। इसाइआ बे समाव जिशु मसिहनि गोदाने जोनोम मोन्नायनि फोबोंखौ फालियो। मख'नो गोनांदि, इस्टारआ बोसोरफ्रोमबो आलादा-आलादा अक्टआव जायो, जस्रुआ महरै 21 मार्चनिफ्राय 25 एप्रिलनि गेजेरव बेयो जायो। बे बोसोरव इस्टारखौ 9 एप्रिलआव फालिनाय जादों।

50 बोसोरनि उनाव भारतआव मोसानि अन्जिमाया मा 2,967 जाबाय



गोदान दिल्ली, 9 एप्रिल: गाहाइ मन्थि नरेन्द्र मदिआ दिने प्रजेक्ट टाइगरनि 50 बोसोर आबुं जानायनि खाबुआव हादतनि हाग्रामाफोरारव थानाय मोसाफोरनि अन्जिमानि सोमोदैं रोखा खौरां होयो। मख'जाथावदि, 1 एप्रिल 1973 आव जिम कर्बेट टाइगर रिजाभनिफ्राय गाहाइ मन्थि इन्दिरा गान्धीआ प्रजेक्ट टाइगरखौ लन्च खालामदोंमोन। बै समाव हादतआव मोसाफोरनि अन्जिमाया मा 268 निबो खमसिनमोन। बे प्रजेक्टआ 50 बोसोर आबुं जाबाय। आथिखालाव भारतआव दर 53 टाइगर रिजाभं दड आरो मोसाफोरनि अन्जिमाया मा 3,000 निबो बांसिन जाबाय। हादतआव मोसाफोरनि आथिखाल नि अन्जिमाया मुलुगनि हाग्रानि मोसाफोरनि अन्जिमानि 70 जौखोन्दोनिबो बांसिन। नाथाय आथिखालाव बेनि सायाव खैफोद साग्लोबफेदों। मोसाफोरखौ फोथाना लाखिनो आरो आन्जिमा बारयहोन्नो थाखाय आरोबाव बांसिनै एबा लान्थियै नाजानांगौनि गोनांथि दड। मोसाफोरखौ रैखा खालामनो थाखाय हाग्रा आरो जिब मन्डलफोरखौ सरैरखा खालामनांगोन। 1973 नि 1 एप्रिलआव कर्बेट टाइगर रिजाभनिफ्राय बै समनि गाहाइ मन्थि इन्दिरा गान्धीआ प्रजेक्ट टाइगरखौ लन्च खालामदोंमोन। बेनि थांखिया मोसाफोरखौ रैखा खासामनायमोन। मानोना बै समाव मोसाफोरनि अन्जिमाया मा 268 ल' दसैमोन। बेनि उनाव फैयै-फैयै 2006 आव भारतआव मोसाफोरनि अन्जिमाया मा 1,411 जाफैयो। बेनिफ्राय 2010 आव मा 1,706, 2014 आव मा 2,226 आरो 2018 आव मा 2,967 जाफैयो।

सिरियानिफ्राय इज्राइलनि फासै मोन 3 रकेट गावहरदों

सिरिया, 9 एप्रिल: इज्राइलनि सान्थिफोर बुनाय बायदिल्लो, सिरियानिफ्राय बिसोरनि सिमना ओन्सोलनि फारसेनिफ्राय आरोबाव मोन 3 रकेट गावहरो, जायखौ सिमनायाव हाबहैनायनि सिगानो इन्टर्सपेट खालामनानै गावखलायनाय जायो। बेनि सिगां थानाय शनिबार खालिबो सिरियानि फारसेनिफ्राय मोन 3 रकेट गावहरदोंमोन। बे बायदिनो 24 घन्टानि गेजेरव इज्राइलनि फारसेनिफ्राय गासै मोन 6 रकेटफोर गावहरो। इज्राइलनि सान्थिफोरा सिरियानिफ्राय खालामनाय गारलोबनायनि फिन्नाय होबाय होन्ना बुंदों। यरुशलैमयाव जेंनाखौ लानानै माखासे गोहोफोरनिवाय बांनय हिंसायारि आरो इज्राइल शहरनि बयनिखुइ सांग्रांथि गोनां गोथार जायगायाव पुलिसनि सिग्रोमनायनि उनाव रकेट गावहरो। सांथिनि बुनाय बायदिल्लो, गुबुन बेराजयाव

चीनआ 10 बोसोराव बयनिखुइ गोहो गोरसिन नेभि हादत जागोन

गोदान दिल्ली, 9 एप्रिल: जॉनि शुथुर हादत चीनआ थानाय 10 बोसोराव गावसोरनि दावहारु गाथोननि अन्जिमाखौ 250 निफ्राय बांनानै 355 खालामबाय। बिसोर दिने मुलुगनि बयनिखुइ देरसिन नेभिनि गोहो थानाय हादत जाबाय। चीनआ आथिखालाव जॉनि गुबुन सुथुर पाकिस्ताननि नेभिखौबो फुवारगासिनो दड आरो फेंगौ 2030 सिमाव बिसोरनि नेभिफोरनि गोहोया 50 जौखोन्दोसिम बांनो हासिगो। बेराफासै भारतनिवाय दासिमबो गं 130 दावहारु गाथोन एबा साबमेरिनफोर दड, जायनि अन्जिमाखौ 200 सिम बांनो थोखि लादों। नाथाय जों जाय गोखैथिजों आवगायगासिनो दड बेयाव 155-160 सिमल' सौहैनो हागोन। भारतआरि नेभिफोरा संसदीय अरायथा कमिटिनो गथायनाय गावनि रिपटआव बे मख'जाथाव बाथाखौ फोरमायो। बे रिपटखौ चीफ अफ डिफेन्स स्टाफ आरो सान्थि यारि मामलायाव बिफाननि सेक्रेटारि अनिल चौहाननि गेजेरजों कमिटिनो गथाइयो। जेनेरेल चौहानआ बेयाव लिखदों, आथिखालाव जॉनि नेभिफोरनि



गोहोआ गं 131 जाहाजफोरनि नेभिफोरनिवाय गं 143 एयारक्राफ्ट आरो गं 130 हेलिकप्टर दड। बेनि गेजेरजों गं 43 दावहारु गाथोन आरो साबमेरिनफोरखौ गुबुन-गुबुन शिपयार्डआव गोखैयै बानायगासिनो दड।

करना भाइरासनि गोसारनायखौ गुबुन हादतजों रुजुयोब्ला भारतआव बाडइथार



सुबुं अन्जिमायाव 75 केसखौ मोन्दोंमोन। जेराव इउनाइटेड किंङमआव 46 जादोंमोन। गुबुन हादतफोरनि कभिड-19 अन्जिमानि बायदिब्ला, भारतआव कभिड-19 नि गोसारनाया बाडाइ जादों। अंधेरिनि केकिलाबेन आम्बानि देहा फाहामसालिनि जस्रुवागिरि डः तनु सिंघलआ बुंदोंदि, जों केसआव बांनयखौ नुनो मोन्दों आरो बेरामिफोरा देहा फाहामसालिफोर थिसनजादों। नाथाय अन्जिमानि केसआव जों गुबुन हादतफोरनि रुजुनायाव सावसिन जादों। बियो बुंबावदों, भारतआव कभिडनि गोदान अन्जिमाखौ थोजासे नडै नायबिजिरनायनि जाहोनाव सोराडव फैदों। जुदि भारतआ 2021 नि आगस्त दानाव सानसेयाव 22 लाख आन्जाद नायोब्ला बे अन्जिमाया आथिखालाव 1 लाख जादों।

मुम्बाइ, 9 एप्रिल: भारतआव लान्थियै करना केसआ बांदों। सानफ्रोमबो रोजा-रोजा गोदान केसखौ थिसन्दों। नाथाय बेनि गेजेरावबो गुबुन हादतजों रुजुयोब्ला भारतआव कभिड केसआ गोबां बाडइ जायो। सुबुं अन्जिमानि सायाव बिथा खालामनाय अन्जिमानि बायदिब्ला, भारतआव कभिड के सफोरनि बांनयखौ निउजिलेन्ड, फ्रान्स एबा खोला करिया बायदि गुबुन हादतफोरजों रुजुयोब्ला गोबां बाडइ जादों।

our worldindata.org आव मोन्नो हानाय 6 एप्रिलनि अन्जिमानि बायदिब्ला, निउजिलेन्डआव कभिडनि बिबाड मोनफ्रोमबो मिलियन सुबुं अन्जिमायाव 293 जादों, फ्रान्सआव थानाय सप्ताहआव मिलियनफ्रोमबो 126 केसखौ नुनो मोन्दों खोला करियाआव मिलियनफ्रोमबो 163 केस दड। 6 एप्रिलआव नायबिजिरनायजों मोन्नाय जादोंदि, जुथाइ हादत आमेरिकायाव मिलियनफ्रोमबो

क्रिस्टियानानि डेलाभेयर मलआव गिखंथाव गुलि गावग्लुंनाय जाथाय जादों



थाखाय देहा फाहामसालियाव थिसन्नाय जाबाय। डेलाभेयर मलआव जानाय फायारिनि खौरांखौ खोनानाय लोगो लोगोनो पुलिसफोरा जाथायसालियाव सौहैयो। बिसोरो थाबेनो जोखोम जानाय सुबुंफोरखौ जिल्लानि देहा फाहामसालियाव फाहामथायनि थाखाय दैथायहरो। फारसेथि मलनि गलादारफोरा पुलिसनि नायबिजिरनाय समाव जायगाखौ लांदं खालामनो गोनां जादों। डेलाभेयर राइज्यो पुलिसआ बुंदोंदि, पेन्स ल्भेनियानि खाथियाव मोनसे सा फोलेरनि गेजेराव क्रिस्टियान मलआव श्रुटि जादों। फारसेथि बिबानगिरिफोरा बेखौबो रोखा खालामदोंदि, दासिमाव बे फायारिआव रवबो सन्देह गोनां सुबुंखौ जिम्मायाव लानाय जायाखै। लोगोसेनो बिबानगिरिफोर बेखौबो बुंदोंदि, मलआव मानि जाहोनाव फायारि जादों आरो सोर बे फायारिखौ खालामदों बेखौ दासिमाव मोन्थानाय जायाखै। आथिखालाव बेनि सायाव नायबिजिरनाया सोलिगासिनो दड।

क्रिस्टियाना, 9 एप्रिल: जुथाय हादत आमेरिकायाव गुलि गावग्लुंनाय जाथायफोर बाडइ जानायनि मुं लायाखै। आमेरिकानि गुबुन गुबुन ओन्सोलनिफ्राय सानफ्रोमबो गुलि गावग्लुंनाय जाथायफोर सोराडव फैबाय थायो। बे बिथिडावनो इउएसनि क्रिस्टियानानि डेलाभेयर मलआव गोबां फायारिआ सोलिदों। बे फायारिआव सा 3 सुबुंफोरा जोखोम जादों। बिसोरखौ फाहामथाय होनो



इज्राइल-एनेकस्टड गलन हाइटसनि मोनसे फोथाराव गोगलैयो। जर्डननि सान्थिआ फोरमायाव बायदिब्ला, आरोबाव मोनसे सिर्लिंखार जानाय मिसाइलनि तुक्राआ सिरियानि सिमना खाथि जर्डननि ओन्सोलाव गोगलैहैयो। बेनि गेजेरजों सिरिया खुथाइनि फिलिस्ताइन हान्जाया थानाय शनिबार खालि इज्राइलनि सायाव मोन्थाम मिसाइलफोर लन्च खालामनायनि दाय लायो।

कंग्रेसनि दैदेनगिरिआ गिबि मन्थि शर्माखौ गोख्रों फिनजाथाय होदों

गोदान दिल्ली, 9 एप्रिल: कंग्रेसनि दैदेनगिरि सुप्रिया श्रीनेतआ आसामनि गिबि मन्थि हिमन्त बिश्व शर्मा हुमखि होनायनि सायाव गोख्रों फिनजाथाय होदों। श्रीनेतआ बुंदों, लुइ बागार शर्मा, हुमखिल, मानो होदों, आंनो नॉनि थंखों दैथायहर, जों नोंथांनो मोजां मोन्नाय बिस्कुट दैथायहरोन। मख 'जाथायदि, आसामनि गिबि मन्थि आ कंग्रेसनि दैदेनगिरि राहुल गान्धीखौ हुमखि होदोंमोन। शर्मा आ बुंदोंदि, बिसोरो आइन्नि बिजिससालियाव लोगो मोनलायगोन। बेनि फिनजाथाय सुप्रिया श्रीनेतआ हिमन्तखौ लांदां हुमखिखौ गावनावनो दोन' होना बुंदों। कंग्रेस आरो गिबि मन्थि शर्मानि गेजेराव दान्थे-बिदान्थे बिबुंधि होनाया आडानी गुपुखौ लानाने राहुल गान्धीनि टुइ होनाय आरो 20,000 कौटि रनि बिबुंधि



होनायनिफ्राय जागायजेन्दों। टुइआव कंग्रेसनि सा 5 बार्ग दैदेनगिरिफोरनि मुं लिरनाय जादोंमोन, जेराव किरण कुमार रेड्डी आरो अनिल एन्टीआबो दंफायो। आसामनि गिबि मन्थि आ बुंदोंमोनदि, बेयो जॉनि नॉसिनाव माब्लाबाबो बफर्स आरो नेयनेल हेराल्ड स्केम्सनिफ्राय सोदयै आंजिनाय आयखौ बेबेयाव दोनखोमादों आरो नोंसोरे

अताभिय क्वात्रचौखौ गोबं खेब भारतीय न्यायनि आखाइनिफ्राय माबोरे आंखारलां होदों। आथिखालाव कर्ट अफ ल'नि गेजेरजों जों नोंथांजों कर्टआव लोगो मोनगोन। कंग्रेस नागासायनि सिगं राहुल गान्धीजों गावनि लोगो हमलायनायनि सोमोन्दै मिथिहोनाने आसामनि गिबि मन्थि आ फोस्मायदोंदि, आगस्त 2015 आव कंग्रेसखौ नागासायनि सिगं गाव गोदान

दिल्लीआव राहुल गान्धीजों लोगो हमदोंमोन। बे लोगो हमलायनायखौ गोसो खानाने हिमन्तआ बुंदोंदि, जथुमायाव कंग्रेसनि माखासे दैदेनगिरिफोर बैप्लेटनिफ्रायनो बिस्कुट बोखांन जादों, जेराव राहुल गान्धीनि सैमा पिडिआबो बिस्कुट अरखांन जादोंमोन। राहुल आ दैदेनगिरिफोरनि खोथा खोनासडजासे गावनि सैमाजों गेलेबाय थादोंमोन।

सरकारआ एप्रिल दाननि गेसनि बेसेनखौ थि खालामना होबाय

गोदान दिल्ली, 9 एप्रिल: सरकारआ शुक्रबायव गोदान बेसेन थि खालामनायनि फर्मलानि गेजेरजों एप्रिलनि फैनो गोनां सानफोरनि थाखाय मिथिगायारि गेसनि बेसेनखौ मोनफ्रोम एमएम्बिटिइउथि खालामदों। अदेबानि बाहायगिरिफोर (कन्जुमार)नि थाखाय बेसेनखौ मोनफ्रोम एमएम्बिटिइउआव 6.5 डलारथि खालामना होयो। थाव मावख'नि पेट्रुलियाम यजना आरो नायबिजिसा सेल (डा पेट्रुलियाम प्लेनि एन्ड एनालाइसिस सेल)आ मोनसे बिथोनआव बुंदोंदि, 8 एप्रिलनिफ्राय 30 एप्रिलसिमनि थाखाय मिथिगायारि गेसनि बेसेना मोनफ्रोम 10 लाख ब्रिटिस टायरल इन्डनटआव 7.9 आमेरिकान डलार जागोन। बेसेनखौ गोनांथार गोथां थावनि जौखोन्दो बेसेननि 10 जौखोन्दो बेसेननि सायाव थि खालामनाय जादों। मिर् मन्थि आफदा



अदेबानि बेसेनथि खालामनाय फर्मुलायाव सोलायनाने बाहायगिरिफोरनि थाखाय बेसेनखौ मोनफ्रोम एमएम्बिटिइउआव 6.5 डलारआव सिमा गोनां सरासनसा बिसायख'थिनि सिमा गोनां खालामदों। बिथोनआ बुंनाये जादोंदि, अएनजिसि/अआइएलनि गेजेरजों बेनि गोजाम मिरुफोरनिफ्राय दिहुनाय गेसनि

थाखाय बेसेनखौ मोनफ्रोम एमएम्बिटिइउनि 6.5 डलारआवनो सिमा गोनां जगोन। सरकार फैनो गोनां सरासनसा बिसायख'थिनि सिमा गोनां खालामदों। बिथोनआ बुंनाये जादोंदि, अएनजिसि/अआइएलनि गेजेरजों बेनि गोजाम मिरुफोरनिफ्राय दिहुनाय गेसनि

लोगोसे, गारिफोराव बाहायजानाय सिएनजि आरो पाइपलाइनजों फैनाय संग्रा गेस (पिएनजि) नि बेसेनाव 9-11 जौखोन्दो खम जानो हागौ। रेटि एजेन्सिया बुंदों, जुदि सिगांनि बेसेनथि खालामनाय बेबस्थाया सोलिबाय थायोब्ला बेसेना आरोबाव बारायनो हागौमोन।

दरसे धोनि मुस्लिम हादतआ आमेरिकाखौ लामा नायनांसिगोन



गोदान दिल्ली, 9 एप्रिल: आमेरिकानि लोगो दरसे मुस्लिम हादतआ चीन आरो रसियानि हान्जायाव थानायायनि लामा लाबाय। गिदिर मुस्लिम हादत धोनि हादत इनाव दरसेबाव चीदि आरबनि उनाव दरसेबाव चीदि हादत इउएइआनो लामाखौ सोलायनायनि थांखि लाबाय। इउएइआ रसियाजों लोगोनि आखाइ फोलावदों। अदेबानि भारत आरो इउएइनि सोमोन्दोआबो मोजां। नाथाय आमेरिकानि हादतगिरि ज' बाइडेनआ मोनसे बांधाखौ लाना जिंगा सिसदोंमोनदि, इरानआ आमेरिकानि सुधुर, बियो

चीनआव थांन चोदि आरबजों लोगो जादों। फारसेथि चोदि आरबआ आमेरिकानि गोजाम लोगो, बियो चीनआव थांनाने गावनि सुधुर आरो शियायनि बांसिन अन्जिमा जोंन हादत इरानजों लोगो गोनांनै फैदों। चीनआ बे दरने हादतखौ गावनियाव लिंहरना लोगो हमलायहोदों। बिबिदो चीननि खैसारआ जाकुं'बाय आरो आमेरिकानि आखाइनिफ्राय गावनि गोजाम लोगो चोदि आरबआ गलांबाय। अदेबानि आमेरिकानि चीनआ थांरैनो चोदि आरब आरो प्रिन्स सलमानजों मोनदों।

लोगो हमना डेमेज कन्ट्रल खालामनो नाजादों। नाथाय बेनि गेजेरवनो इउएइआबो रसियाजों आखाइ हमहैबाय। बे बांधाजोंबो बाइडेन खुंथाया सोमोनांदों। थांनाय बोसोराव इउएसनि हादतगिरि ज' बाइडेनआ चोदि आरबआव दावबायहैदोंमोन। बै समाव बिथाइ चोदिनि रजखुंगुर महम्मद बिन सलमानजों लोगो हमदोंमोन। चोदि आरबआ अदेबानि उनाव चीननि गेजेरारि बिबान लानायाव इरानजों सोमोन्दोखौ साबस्तां होयो, जाय आमेरिकानि सुधुर। बेनिफ्रायनो आमेरिकानि सोमोनांदों। डेमेज कन्ट्रलनि थाखाय सिआइएनि सिफआ हरखाब रियादआव थांन महम्मद बिन सलमानखौ गोख्रों रव बुंहेदों। बेनि उनाव मोनसेबाव खोरड आमेरिकाखौ सोमोनांहोयो। फर्मसनि रिपटआ बुंनाय बायदिब्ला, सोनाव एसियाआव आमेरिकानि लोगो इउएइखौ चोदि आरबनि आगानजों थाबायलानाय नुनो मोनदों।

बुकिना फास, नाइजेरिया आरो कंगआव उतरवारि गाग्लोबनायजों सा 94 जिउ ख'हा

गोदान दिल्ली, 9 एप्रिल: आफ्रिकान हादतफोराव आयेन आरो बेवस्थानि जेबो गोहोम गैया होना बुंजानाय जादों। मानोना बैयाव दायनिगिरिफोरनि साहसा बॉसिन जादों। आफ्रिकान हादतफोराव बुथारलायनायनि खौरंफोर बॉसिन जाबोगासिनो। बेबायदि गोदान जाथायआ सोनाव आफ्रिकान हादत बुकिना फस'आव जादों, जेराव जिहादिफोरा सा 44 सुबुफोरखौ जिउ फोजोबदों। फास'थि नायजेरियाआव सिलाइ

लाग्राफोरनि गाग्लोबनायव खमैबो सा 30 सुबुफोरनि जिउ गोमायो। बेनि अनगायै कांग गनरज्यआवबो दरसे गामिनि गाग्लोबनाय जाथायव सा 20 सुबुफोरनि जिउ ख'हा जायो। सोनाव आफ्रिकानि हादत बुकिना फास'नि सा ओन्सोलाव इस्लामिक हाथियार लाग्रा हान्जाया गुबुन गुबुन जायगायाव गाग्लोबदों, जेराव सा 44 जिउ गोमायो। सरकार बेनि खौरंखौ होयो। साहेल हालामनि बँगिरि लैफिन्टेन्ट कर्नल पिएफ रडफेस'रा'आ मोनसे फिनायाव



बुंदों, जिनाहादिफोरा सेन' रज्योआव कुरकु आरो तन्दबि गामिफोराव गाग्लोबदों। बृहस्पतिवार आरो शुक्रबायव

गाग्लोबनाय जाथायफोरखौ स'रा'आ मुगैथाव होना बुंदों आरो सरकार बे ओन्सोलाफोरव गोजोन लोबोनो नाजादों होना मिथिहोयो।

गम बोथोराव गाइखेर, घी, माखनाबो बेसेन बांनो हागौ

गोदान दिल्ली, 9 एप्रिल: मुलगुनि बयनिखुइ देरसिन गाइखेर दिहुनगा हादत भारतआव बे बोसोराव गाइखेरखौ लानाने आंखालजों भुगिनांनो हागौ। थांनाय बोसोराव लम्पी भाइरासनि जाहोनाव लाख-लाख गाइखेर होग्रा जुनातफोर आरो धानानि आंखालनि जाहोनाव भारतआव बे बोसोराव गाइखेरनि आंखालआ बांनो हागौ। बेरा फारसे डेयरि इन्डास्ट्रिखौ बे बोसोरनि दाबि दैखांनायाव खमायबोनाय नुनो मोन्दों। बेबायदियाव फेगौ समाव



गाइखेर आरो गाइखेरजों बानायनाय डेयरि दिहुन्थायफोर जेरे- आइसक्रिम, गाइखेर दाखा, घी, पनिर आरो माखननि बेसेना गरम आरो अखा बोथोराव बांनो हागौ। मख 'नो गोनांदि, भारतआ

मुलगुनि बयनिखुइ देरसिन गाइखेर दिहुनगा हादत। थांनाय 2021-22 आव दिहुन्थाया 22.1 कौटि टन जायो, जाय थांनाय बोसोरनि 20.8 कौटि टन दिहुन्थायनिखुइ 6.25 जौखोन्दो बांसिमोन। 2022-

23 आव दिहुन्थाया दिदोमै थगोन एबा एसे बांनो हागौ। बेनि गाहाइ जाहोना थांनाय बोसोराव फेनाय लम्पी स्किन डिजज, जेराव लाख-लाख मोसो गायफोर जिउ गोमानांदोंमोन। आरबिआइ गभर्नर शक्तिरकान्ता दासआ थांनाय बृहस्पतिवारखालि मोंदिक नेमखान्थिखौ फोसावनने बुडोदि, दाबि दैखांनाय आरो जगयना होनाया सामलायजाथायवै थांनाय आरो गासै बेसेननि जाहोनाव गाइखेरनि बेसेनाबो गरम बोथोराव गोख्रों जाना थानो हागौ।

बिमल कारआ गुवाहाटीनि बरबारियाव गोदान डिलारसिप बेखेवबाय

गुवाहाटी, 9 एप्रिल: बिमल कारसआ दिने गुवाहाटीनि बरबारियाव थांनाय बिआइपि रडआव टाय मटर्स डिलारसिप आरो इलेक्ट्रिक भेहिकल्सनि मोनसे लाग्रारिआस गोदान डिलारसिप बेखेवबाय। बे गोदान डिलारसिप बेखेवनाय बुब्लियाव आसामनि आबगारि आरो रोगाथाय बिफाननि मन्थि परिमल शुक्ल'बैध्या आ गाहाइ आलासि महेरै बाहागो लादों। लोगोसे टाय मटर्स पेसेन्जार्स भेहिकल्स लिमिटेडनि जिएम आरसिपफआइ सौरभ रय, नर्थ-इस्ट टाय मटर्स पेसेन्जार् भेहिकल्स लिमिटेडनि रिजनेल मेनेजार सिद्धार्थ शर्मा, टाय मटर्स भेहिकल्स लिमिटेडनि सेनियर मेनेजर अभिक दास, टाय मटर्स पेसेन्जार्स भेहिकल्स लिमिटेडनि टेरिटोरियल सेलमेनेजर अंकित मिश्रा, बिमल कारनि एमडि



बिमल सारउगि, एमडि बिमल कारसनि आरिहान सारउडि, बिमल कारसनि जेनेरेल मेनेजर दिपांकर दास आरो टाय मटर्स पेसेन्जार् भेहिकल्स लिमिटेडनि सेनियर मेनेजर प्रक्यत बरुवायाबो बाहागो लादोंमोन।

के बिनटे मन्थि परिमल चुक्ल'बैध्या दिने गोदाने बेखेववाय डिलारसिपनिफ्राय स्मार्ट टेप कम्पानीनो गं 10 एक्सप्रेस-टि गारिफोखौ हरनाय जायो। सरुम खुंथाइया बे गोदाने बेखेववाय डिलारसिपनिफ्राय कम्पानीनि

गोबां लागजारि गारिफोरखो ग्राहकफोरनो हरनो हागोनखो मिजिथिनाय फोरमायो। गोदाने बेखेवनाय बे डिलारसिपआव टायनि गासै रोखोमनि गारिफोर आरो मोब्लिगारि गारिफोरखौबो मोनो हागोन।

गोदान दिल्ली, 9 एप्रिल: आमेरिका आरो ब्रिटेननि गाहाइ बिबानगिरिफोरा फेगौ सप्ताहआव लोगो हमलायो। खौरंनि बायदिब्ला, ब्रिटिश गाहाइ मन्थि ऋषि सुनकआ फेगौ सप्ताहआव आमेरिकानि हादतगिरि ज'हाइडेनजों सा आयारलेन्डआव लोगो हमगोन। आमेरिकानि हादतगिरिआ गुड प्राइडे गोजोन गोरोबथानि 25 थि बोसोरारि साननि खाबुआव खुंनो गोनां हाबाफारियाव बाहागो लागोन। फासैथि ब्रिटिशनि गाहाइ मन्थि सुनकआ बाइडेनजों बेयावनो लोगो हमगोन। बिथांमोननि लोगो हमलायनाया माखासे बिथिनिफ्रायनो मख 'जाथाय जागोन। जरखायै रसिया-इउक्रेन दावहा सोलिबाय थांनाय समाव नाट' हादतफोरनि सोलोखान्थि, चीन आरो रसियानि सोमोन्दोआ खाथिसिनाव फेनाय आरो सोलायबोनाय सोलोथारि



खाथिनि सायाव सावरयनायनि आसा दड। फेगौ मंगलवारनि मोनाबिलि समाव एयार पर्स वानआव फैनो गोनां बाइडेनखौ गावनि आयरिश बिरासत आरो गोजोन गोरोबथाफोराव आमेरिकानि बिफाव लानायाव गोग्गानाय दड। हादतगिरि ज' बाइडेनआ बुधबाराव उल्सटर इन्डिभिर्सिटीनि गोदान गेवलां लांगोननि फोथायआव बिबुंधि

हागोन आरो ब्रिटेननि गाहाइ मन्थि सुनक जों मोनसे मावख'यारि जथुमा 'खालामगोन। 1998आव मोनसे रादाय खानायनि उननिफ्रायनो सा आयारलेन्डनि राजखान्थियाव आमेरिकाआ गोहोम गोनां जाबोदों। हादतगिरि बाइडेनआ बुधबारासिम सा आयालेन्डआव हागोन आरो बेनिफ्राय बिथाइ

डाबलिनआव थागोन आरो बेनिफ्राय बिथाइ डाबलिनआव थांगोन। गुड फ्राइडे रादाय एबा बेलफस्ट रादायआ 10 एप्रिल 1998 आव मुसाइ होज्जलायनाय मोनै रादायफोरनि गुप, जाय सा आयारलेन्ड जेनानि बांसिन हिंसायारि दाडाबाजिखौ फोजोबदोंमोन। बेफोर जेनाया 1960 नि जौथायनिफ्रायनो सोलिदोंमोन।

सरकारा होबथानायनि उनावबो गुबुन राइज्योनिफ्राय आइन बेरेखायै दाव ब्रइलार फालांगिया सोलिगासिनो दड' महकुमा जुनात फिसिनाय बिफान आरो महकुमा खुंथाइया 40 कुइन्टेल दाव ब्रइलार फोजोबसांदौं

गसाइगाव, 9 एप्रिल: राइज्यो सरकारा गुबुन राइज्योनिफ्राय आसामाव दाव ब्रइलार फालांगि खालामनायखौं होबखानायनि उनावबो सानफ्रामबो आइन बेरेखायै दाव ब्रइलार फालांगिया सोलिगासिनो दड'। दुथां सुबुंफोरनि मोनसे हान्जाया सोना बंगनिफ्राय गोवां रां होनायनि सोलायै रोजा-रोजा दाव ब्रइलारखौं आसाम-सोनाब बंगनि सिमना बारहोनायखौं पुसिआ खुंथाया नुनानैबो नुयै भाव खालामदौं होन्नानै ओन्सोलनि सांग्रं सुबुंफोय सावरायसोदौं। गुबुन फार्सीथि, पुलिसआ दिने सोरं बुबिलयाव गुबुन गुबुन हाबाफारि लानानै सोनाब बंगनिफ्राय आसामाव



आइन बेरेखायै दाव ब्रइलार लाबोनाय गंज्रे पिकआप गरिखौं हमनो हायो। सुलुख फोरमायनाय बादिब्ला सोरॉसि बुब्बियाव गसाइगाव महकुमानि सापकाता पुलिसआ एएस 25 सि 5507, एएस 01 जेसि 3167 आरो एएस 19 एसि 3342 नम्बरनि पिक आप

गरिजौं दाव ब्रइलारखौं हमनो हायो। बेनि अनगायैबो सोनाब बंगनिफ्राय श्रीरामपुर फार्से फेनाय एएस 15 एसि 6329 नम्बरनि दाव ब्रइलार रेगानाय पिक आप गरिखौं पुलिसआ कसुगावयाव हमनानै जुनात बिफाननो गथायना होयो। गसाइगाव महकुमा जुनाद

फाहामथाय आरो फिसिनाय बिफाननि बिबानगिरि उ मुनिन्द्र नाथ तालुकदारआ फोरमायनाय बादिब्ला पुलिसआ दिने सोरॉसि बुब्बियाव हमनो हानाय दाव ब्रइलारखौं बुंफबनाय गंजे पिक आप गरिखौं जुनात बिफाननो गथायना होनायनि उनाव

गसाइगाव महकुमा खुंथायनि हेफाजाबव हाराफुतानि जुनाद फिसिनाय बिफाना दाव ब्रइलारफोरखौं हाखर जावनानै फबनाय जायो। गार्से 40 कुइन्टेल दाव ब्रइलार फोजोबसांनय हाबाफारियाव गसाइगाव खाजोनो बेंखन बिबानगिरि कमलज्यति बर आरो उफ्रा कमिसनार कुकिल दासआ बाहागो लायो। मख'नो गोनान्दि, बेनि सिगांबो सोनाब बंगनिफ्राय आइन बेरेखायै लाबोनाय दाव ब्रइलारफोरखौं फोजोबसांनयनि अनगायैबो हमनो हानाय दाव ब्रइलारफोरखौं सनाब बंगफार्से दैथाय हरफिन्दौं होन्नानै जुनात फिसिनाय बिफाननि बिबानगिरिआ मिथिहोयब्लोबो सोमोनांथाव महरे हरनि समाव बे गरियायो फिन राइज्योनि गुबुन गुबुन जायसिम आइन बेरेखायै दाव ब्रइलार फालांगि खालामदौं होन्नानै अजद सिखारदौं।

59 थि लतिबारि दखरा रंजालि बैसागु फोर्बो खुंनो साखा-फारा खालामदौं



तामुलपुर, 9 एप्रिल: 59 थि लतिबारि दखरा रंजालि बैसागु सम्मिलनआ थानाय बोसोरफोरनि बायदिनो देरलायबो फेगो 17 आरो 18 एप्रिलयाव लतिबारिनि मिलन आरिसु कुचि संघआव साननैनि हाबाफारिजौं खुंनो साखा-फारा खालामगासिनो दड'। हाबाफारि बादियै 17 एप्रिलखालि फुनि 8 रिगायाव मेहेर गोनं हारिसुवारि हान्जा सुरनाय हाबाफारिखौं बेखेवगोन लतिबारि दखरा रंजालि बैसागु सम्मिलननि अरायथा आफादनि आफादगिरि मनज कलिताया। 9.30 रिगायाव बैसागुनि फिरफिला बिरहोगोन आजिरा मोन्नाय गाहाइ फोरॉगिरि धिरेन मालाकरआ। बेनि उनावनो मोन 58 बिहु फिरफिलाखौं बिशहोगोन

हेमचन्द्र कलिता, चन्दिचरन दास, अतुन चन्द्र कलिता मोनहा। फुनि 10.30 रिगायाव रंसारिफोरनो मान बाउगोन अरायथा आफादनि गाहाइ नेहाथारि प्रदिप कुमार दास आरो लाइमोन समाज सिबियारि थुसलाइ ब्रहमआ। बिबार जाउजेनगोन तामुलपुर जिल्ला इडपिपेलनि गौथुमारि नेहाथारि लेबेन बर' आरो बान्जाय आफादनि गाहाइ नेहाथारि प्रतुल डेकाआ। आलातरि बाधि फोर्जौं गोन आजिरा मोन्नाय फोरॉगिरि सुकदेब थन आरो बाहागो जिल्ला फरायसा आफादनि सोलोथाइ नेहाथारि अजय बर'आ। सानजौफुनि 11 रिगायाव बिफां फु लि गायगोन फारियै चक्र कलिता, दिलिप कलिता आरो सरस्वति दास मोनहा। 11.30 रिगायाव ओन्सोलनि सोलॅंथाइ गुरुफोरनो मान बाउनाय आरो लतिबारि दखरानि सोलॅंथाइ आबहावनि सायाव सावराय मेलखौं बेखेवना होगोन आजिरा मोन्नाय फोरॉगिरि प्रमद चन्द्र मेधिआ। सावरयगिरि महरे बाहागो लागोन रडिया फोरॉगिरि सोलॅंथाइ फरायसालिमानि गोरयुं पार्थ फुकन महन्त आरो तामुलपुरनि खोन्दो गुदि सोलॅंथाइ बिबानगिरि अरुन्जय खुं'गुर ब्रहमआ। बे मेलखौं दैदेनगोन 59 थि लतिबारि दखरा रंजालि बैसागु सम्मिलननि आफादगिरि प्रतुल भागवतिआ। मोनाबिलिनि 4 रिगायाव गेवलां बिहु दिन्थिफुनाय आरो गोदान मुगायारि मोसनाय बादयलायनाय हाबाफारिखौं बेखेवना होगोन विटिसिनि एमसिएलए हेमन्त कुमार रभाआ। गाहाइ आलासि महरे विटिसिनि गाहाइ मावफुं

सोद्रोमा प्रमद बर'आ। जर'खा आलासि महरे आम बिधान सभानि बुंथिगिरि बिश्वजित दैमारी आरो ओन्सोलनि एमएलए जलेन दैमारीआ बाहागो लागोन। हांखायजानाय आलासि महरे विटिसिनि मावफुं सोद्रोमा धर्मनायन दास, तामुलपुर जिल्ला बाडाइ सानखौं मार्च इडपिपेलनि नेहाथारि मिरजान आलि आरो विटिसिनि दावबायथाय बिफाननि बिफान गाहाइ जयन्त शमांआ बाहागो लागोन। 18 एप्रिलखालि फुनि 9 रिगायाव गेलेमु बादयलायनाय हाबाफारिखौं बेखेवगोन लाइमोन समाज सिबियारि परिमल शिलआ। 11 रिगायाव सावगारि आखिनाय बादयलायनाय खुं'गोन। सानजौफुनि 2 रिगायाव कुचि बादयलायनायखौं बेखेवना होगोन हारिसु मावथि श्यामल दासआ। मोनाबिलिनि 5 रिगायाव बान्था रन्नाय आरो दान होग्राफोरखौं मान बाउनाय हाबाफारि। मोनाबिलिनि 6 रिगायाव सुधाकन्थ उ भूपेन हाजरिका गोसोखां जौसांखौं बेखेवनाय आरो मान बाउनाय हाबाफारिखौं बेखेवगोन अनुपम वरआ। आलातरि बाधि फोर्जौं गोन तामुलपुरनि हारिसु जौगाखां बिबानगिरि जुगान्त बायनआ। बिबार बाउजेनगोन तामुलपुर जिल्ला इडपिपेलनि गाहाइ नेहाथारि गनरा नाथ आरो आक्रामुनि फोसावदं नेहाथारि शंकर यजबंशिया। हरनि 8 रिगायाव जर'खा हारिसुवारि दिन्थिफुनाय हाबाफारिनि एमसिएलए हेमन्त कुमार रभाआ। गाहाइ आलासि इडपिपेलनि मिरुनि नेहाथारि मजिबर आलि आहमेदआ।

बनरगाव दख 'रा एबसुनि बान्जायनायाव खुंनाय हारिसु मावबादाया थुंगेबाय



कलाइगाव मिरु रंजालि बैसागु खुंफुं आफादआ रुफाथि माइथाय फोर्बो खुंगोन

कलाइगाव, 9 एप्रिल: सोलिफु दाननि फेगो 22, 23 आरो 24 एप्रिलखालि सानथामनि हाबाफारिजौं कलाइगाव फरायसालिमा गेलेमु फोथारआव रंजालि बैसागुनि रुफाथि माइथाय फोर्बो आरो गेवलां रंजालि बैसागु खुं'फुं आफादआ। मख'नो गोनान्दि, सानथामनि गेदरे हाबाफारिजौं खुं'नो लानाय हाबाफारिनि गिबि सान 22 एप्रिलखालि बिटिआरनि गाहाइ मावफुं सोद्रोमा प्रमद बर'आ बाहागो लाफैनायै हाबाफारिखौं बेखेवनायै होगोन। बे बाखाखौं फोरमायदौं बान्जाय आफादनि आफादगिरि बाबुल बर' आरो नेहाथारि पबित्र बसुमतारिमोनाह। बिटिआरनि गाहाइ प्रमद बर'आ बाहागो लाफैनायै लानानै रुफाथि माइथाय फोर्बो बान्जाय आफादआ थुल्लुगाखांदौं आरो हाबाफारिनि थाखाय साखा-फारा खालामनायाव मुखब जादौं।

कक्राझार, 9 एप्रिल: बड'फा गोजोरथियारि सोलायनाय मावथांखिखौं बिथा खालामनानै बर' हारिनि दोरॉखरि मोसनाय आरो हारिसुखौं फोथांनानै लाखिनाय आरो जौगाहोनायनि थाखाय बनरगाव दख 'रा दुलाराय बर' फरायसा आफादा बोसोरफोमबो खुं'गेबाय थानाय बादि देरलायबो लोरगि थियेटार युपजौं लोगो नानानै जुथायै बान्जायनायाव ताकतारा दालाइसा आफादनि सिडव थानाय सोरमांगा स्पर्टस क्लाबनि गेलेग्रा फोथाराव थांगानाय 1 एप्रिलनिफ्राय आयदानानै दिने 9 एप्रिलखालि हारिसु मावबादाखौं फोजोबनाय

जायो। बे हारिसु मावबादायाव सा 130 सोलोसाफोरा बाहागो लादौंमोन। बे हारिसु मावबादायाव गाहायै मोसनाय आयदानानै लानानै फोरॉंथाय होनाय जायो। बे हारिसु

मावबादायाव हांखायनाय बादिदे दुलाराय बर' फरायसा आफादनि बारग' बुंथिगिरि जनक उजिरआ बाहागो लानानै बर' हारिसुनि सायाव गुवारै सावरायनायजौं लोगोसे

आथिखाल बर' समाजनि सायावबो दिथागिरिफोरनि सिगाइव गुवारै बिबुंथि लाखियो। हाबाफारिआव लोरगि थियेटार प्रपनि नेहाथारि सनजिब कुमार ब्रहमआबो

(3 बिलाइनिफ्राय)

गसाइगाव नोगोर आफादनि स'नाथि माइथाय...

गसाइगाव नोगोर आफादनि स'नाथि माइथाय फालिथानि गाहाइ दरखेखौं बेखेवना होयो एमएलए जिरन बसुमतारिआ। फुनि 9 रिगायाव बर' थुनलाइ आफादनि बारग' आफादगिरि पद्मसि ड क्रायेश्वर ब्रहम आरो गागि आलासिफोरा मोन 50 फिरफिला बिस्होयो। बेनि उनावनो गसाइगाव खाजोनो बेंखन बिबानगिरि आरो गसाइगाव नोगोर आफादनि मावफुं बिबानगिरि कमलज्यति बरआ मुंखल्लंफोरनो मान बाउवो। सानजौफुनि 11 रिगानिफ्राय महकुमानि गथ'साफोरनि गेजेराव सावगारि आखिनाय बादयलायनाय हाबाफारि खुंनाय जायो। सावगारि आखिनाय हाबाफारिखौं बेखेवना होयो आजिरा मोन्नाय फोरॉगिरि आरो गागि समाज सिबियारि रंजाल दत्तआ। सानजौफुनि 1 रिगानिफ्राय गसाइगाव नोगोर आफादनि आफादगिरि प्रफुना इस्लारीनि आफादगिरि मासि सामब्लायनाय खुंनाय गेवलां मेलाव स'नाथि माइथाय फालिथानि बान्जा आफादनि नेहाथारि आरो आसाम खनि जौगाथाय निगमनि आफादगिरि, बारग' एमएलए हेमन्त नाथ ब्रहमआ बेखेव बिबुंथि होनानै गसाइगाव नोगोर आफादाय सदर सहरनि गुबुन गुबुन जौगाखां खामानि मावदौं होन्नानै फोरमायो। गुबुन फार्सीथि, राइज्यो सरकारनि केबिनेट मन्थि अशक सिंहालआ गसाइगावखौं मडेल टाउन महरे गायसनाय जागोन होन्ना फोसावनायनि खोथाखौंबो बिथाड रायखाडो। गेवलां मेलाव बिटिसिनि नोगोर जौगाखां बिफानि बिबानगिरि लंकेश्वर वारीआ हांखायजानाय आलासि महरे बाहागो लानानै गसाइगाव नोगोर आफादनि स'नाथि माइथायनि गोसोखां बिजाबखौं बेखेवना होयो। मेलाव एमएलए जिरन दैमारी, बिटिसिनि मावफुं सोद्रोमा उकिल मुसाहारी, गसाइगाव दालाइ थुनलाइ आफादनि नेहाथारि खनिन्द्र नाथ दास, इडपिपेलनि गसाइगाव जिल्ला आफादनि लेडाइ आफादगिरि उ रामतानु ब्रहम, गसाइगाव नोगोर आफादनि लेडाइ आफादगिरि रजिब देवनाथ आरो गोवां हांखायजानाय आलासिफोरा बाहागो लायो।

सिमलायाव बिपिएफ दोलोया हान्जा सुरनाय ...

जौंजौं दड' होन्नानै बिथाड बुजे। बरमाथाय खुंनाय बिपिएफनि मेलनि उनावनो गुबुन गुबुन बिबाबव बिपिएफ दोलोया खुंनाय हान्जा सुरनाय सुबुं सांग्रॉथि मेलाव गुबुन गुबुन हारि-माहारिनि राइजो-राजाफोरा लैहोर-लैहोर बाहागो लानायखौं नुनो मोन्नाय जादौं। बिपिएफनि आफादगिरि हाग्रामा महिलारीया बुंवावोदि, बिपिएफनि मेलाव राइजो-राजाफोरनि थुवुरमाखौं नुनानै जिंगासिदौं प्रमद बर'आ। 2025 माइथायाव खुंनो गोनं बिटिसि बिसायख'थियाव इडपिपेल दोलोया 100 जौखोन्दो जेनांगोन होन्नानै बिथाड बुजे। गुबुन फार्सीथि, खौरंगिरिफोरनि सिगाइव हाग्रामा महिलारीया प्रमद बर'नि हेंथायै खुद्रिखानाय फोरमायनानै आइनयारि जुजिनयखौं गिया होन्नानै बुजे। सिगां समावबो प्रमद बर'आ आइनयारि रहा लादौंमोन। प्रमद बर'आ श्रीरामपुर गेटनिफ्राय रां जाखल'दौं। बिटिसियाव मा जादौं बेखेइ राइजो-राजाफोरनो मिथिहोनाया जौनि खामानि होन्नानै हाग्रामा महिलारीया बुजे। मख'नो गोनान्दि, सुबुं सांग्रॉथि मेलनि सिगां कक्लाबारि बिपिएफ दोलोन मावख'निफ्राय 3 किल'मिटारिसिम खुंनाय गिदितथार हान्जा सुनाय हाबाफारियाव बिपिएफ आफादगिरि हाग्रामा महिलारी, खाम्फा बरगयारी, थानेश्वर बसुमतारि, जय मुसाहारी, चरत दास, शंकर दासजौं लोगोसे गोवां दैदेनगिरिफोरा बाहागो लायो। हान्जा सुरनाय समाव बिपिएफनि मावथि आरो हेफाजाबगिरिफोरनि गेजेराव रंजानायनि दोहौं सोमजिनयखौं नुनो मोन्नाय जादौं।

देरलायबो गाजा-गोमजायै बाउखुंनि फोर्बोखौं ...

बैसागु मोसनाय, मारथन खारनाय, हौवा-हिन्जाव जयैनो बाउखुंनि हाजो गाखोनाय बादयलायनाय, गावबा-गाव हारिनि ऑखाम-ऑखि संनाय-खावनयनि बादयलायनाय खुंनो थि खालामनाय जादौं होन्नानै बिफानारि सुलुख फोरमायहरदौं। फोर्बोनि जोबथा सानखालि गेवलां मेलजौं लोगोसे गुबुन गुबुन हारि-माहारिफोरनि मोसनाय, खन्याय, दामनाय-देनायनि हारिसु दिन्थिफुनाय जागोन होन्नानैबो मिबथिनो मोन्नाय जादौं। खुंफुं आफादआ देरलायबो गुबुन गुबुन बोसोरनि बादिनो बे बाउखुंनि फोर्बोआव दोलै-नोगारै बाहागो लाफैनायै हाबाफारिखौं जाफुंसार होगोन होन्नानै मिजिथिनाय फोरमायदौं।

रुंसारि सुमल गयारि गोसोखां फुटबल टुर्नामेन्ट बादायलायनायाव रिंसार क्लाबआ देरहादौं

कक्राझार, 9 एप्रिल: कक्राझार सहरनि साखाथि बेलगुरि गुदि फरायसालिनि गेलेग्रा फोथाराव 2 एप्रिलनिफ्राय दिने 9 एप्रिलसिम बेलगुरि ड्राइमन्ड स्पोर्ट्स क्लाब काम लाइब्रेरिनि बान्जायनायाव खुंनाय 1थि रुंसारि सुमल गयारि गोसोखां फुटबल टुर्नामेन्ट 2023 नि बादायलायनाया जोबलांबाय। दिने जौवथा साननि फाइनल मेचआ सत' गेन्द्राबिल रिंसार क्लब आरो सार अन्थाय क्लब आदाबारिनि गेजेराव गोखोडै बादयलायनाय जायो। फाइनल मेच बादयलायनायाव सत' गेन्द्राबिल रिंसार क्लबआ 4-1 गलनि



फारागथियाव आदाबारि सार अन्थाय क्लबखौं फेजेन्नानै देरहासारो हायो। देरहासार हान्जा सत' गेन्द्राबिल रिंसार क्लबनो नोगोद 25 रोजा रंजौं लोगोसे टुर्फीबो

गथायनाय जायो। बेराफार्से रनासंआप हान्जा आदाबारि सार अन्थाय क्लबनो नोगोद 20 रोजा रंजौं लोगोसे टुर्फी गथायनाय जायो। साबिसन गेलेगिरि बान्था महरे

नोगोद 3 रोजा रंजौं लोगोसे टुर्फी आवग्रिनो हायो जौब्ला ब्रहमआ। मख'नो गोनान्दि, जोबथा साननि फाइनल गेलेनाय हाबाफारिखौं बेखेवना होयो 11 नं बावखुंनि

बिटिसि बिबाबनि एमसिएलए देनेश्वर गयारिआ। हाबाफारियाव बाहागो लायो सुमल गयारि मेमरियेल काउन्सिल एन्ड ससाइटीनि नेहाथारि, गुवाहाटी गोर्जो बिजिस्सालिनि उकिल उ चित्तरञ्जन बरवा, रुंसारि सुमल गयारिनि बिसि संगिता गयारि आरो नख'रनि सुबुंफोरजौं लोगोसे गागि आरो ओन्सोलनि राइजो-राजाफोरा। रानासंआप हान्जानो बान्था गथायो बाउखुंनि बिटिसि बिबाबनि एमसिएलए देनेश्वर गयारिआ। वेबादिनो देरहासार हान्जानो बान्था गथायो रुंसारि सुमल गयारिनि अनजालि बिसि संगिता गयारिआ।

(3 बिलाइनिफ्राय)

गाहाइ मन्थि नरेन्द्र मदिआ आसाम दावबायफैगोनखौं लानानै गिबि मन्थि उं ...

थाखाय 1,123 कौटि रं बाहायनाय जादौं आरो बोसोफोमबो सा 100 फरायसाफोरा फाहामथाय बिगियान आयदायाव फरा-फारि सोलॅंथाय लागोन। गाहाइ मन्थिआ एम्सखौं बेखेवनायजौं लोगोसे कक्राझार, नलबारि आरो नगाव मेडिकेल कलेजफोरखौंबो बेखेवनायै होगोन। मख'नो गोनान्दि, एम्सनिफ्रायनो गाहाय मन्थि मदिआ बेखेवनायै होगोन मख'नाय गंथाम फाहामथाय फरायसालिमाफोरखौं। एम्सनिफ्राय गाहाइ मन्थिआ आयुष्मान भारत आरो गिबि मन्थि आयुष्मान आसाम बिथांखि बादिदै। 1 कौटि 10 लाख सुबुंफोरनि थाखाय कार्डखौं बेखेवनायै होगोन। बे सानखालिनो गाहाइ मन्थिआ नेसन महरे कार्डखौं बेखेवनायै होगोन। एम्सनिफ्रायनो आइआइटी गुवाहाटी आरो आसाम सरकारनि गेजेराव गोरोबलायनायनि थांखि बादिदै दिहुनजानो गोनां आहौं मुंनि इन्स्टिटउटखौं बेखेवनायै होगोन। गाहाइ मन्थिआ 1.45 रिगायाव गुवाहाटी गोर्जो बिजिस्सालिनि थुंगोनय हाबाफारिआवबो बाहागो लागोन। बेनि उनाव आसाम सरकारनि आलासि जियसालिआव कन्याधारआव जियसफैगोन। 4.45 रिगायाव सरसजाइआव गाहाइ मन्थिआ दावबायगोन। गुवाहाटीनि सरसजाइ स्टेडियमआव बाहागो लाखनानयनि उनाव सा 11,010 बिहु मोसाखावरिफोय गाहाइ मन्थिनि सिगाइव 15 मिनिट बिहु मोसानानै दिन्थिगोन। बेनि गेजेरजौंनो मुलुग रेकर्ड सोरिजजागोन। सरसजाइआव गाहाइ मन्थि नरेन्द्र मदिआ लोगोसेनो नामरुपनि मिटनेल बिथांखिखौं बेखेवनायै होगोन। बे बिथांखिआव 51 जौखोन्दो आसाम सरकारनि आरो अयेलिनि 49 जौखोन्दो इन्धेस्टमेन्ट थागोन। बेजौं लोगोसे गाहाइ मन्थिआ 100 कौटि रं बाहायनाय रंघरखौं समायनायै साजायनायनि थाखाय बिथांखि लानायखौंबो बेखेवनायै होगोन। बे हाबाफारिनि उनाव बुल्लुबुधुनि सायाव गोदानै लुफुंजानो गोनां पलाशबारि-सवालकुचि फोनांजाव दालां लुफुंथायनि थाखायबो अन्थाय खाम्फा गायसनागोन।

(3 बिलाइनिफ्राय)

डिब्रुगड मुलुगसोलोसालि बर' फरायसा आफादआ आगुं ...

बिफाननि लेडाइ बिबुंगोरा उ प्रतिमा ब्रहमआ आगुं रंजालि बैसागु फोर्बोखौं नोजोर वोनानै सुंद' बिबुंथिजौं बेखेवना होयो। बे हाबाफारियाव गाहाइ आलासि महरे डिब्रुगड मुलुगसोलोसालिनि फिजिकेल इडकेसन बिफाननि उ मन्तु बर'आ बाहागो लानानै "बैसागुखौं फोथांनय लाखिनायाव बर' लाइमोनफोरनि बिबान" आयदानि सायाव गुवारै बिबुंथि लाखियो। माननि आलासि महरे डिब्रुगड मुलुगसोलोसालिनि लेडाइ बिबुंगोरा उ वृदुल बसुमतारिआ बाहागो लानानै 'बर'फोरनि बैसागु फालिनायाव आयुनि आरो आथिखालि फारागथि आयदानि सायाव गुवारै बिबुंथि लाखिनायै दौंसे मिलौदो बैसागु खुगा मेथाइ रोजाबो। हांखायजानाय आलासि महरे बाहागो लायो फारियै एमएसडब्लिउनि लेडाइ बिबुंगोरा उ अनसाइ बाथी बसुमतारि, केमिस्ट्री बिफाननि लेडाइ बिबुंगोरा उ पृथिवराज खाख्लारि, एप्लाय जिअलजौनि लेडाइ बिबुंगोरा उ रतमालि मोसाहारि बिथामोनहा।

फावखुंग्रि जया बच्चनआ गावनि 75 थि जोनोम सान फालिदों

बलिउडनि मुंदांखा देखोगिरि आरो पल्लिटिसियन जया बच्चनआ 9 एप्रिलआव गावनि 75 थि जोनोम सानखों फालिदों। 1948 नि 9 एप्रिलआव गंसे बंगलि ब्रह्मण नख 'रआव जोनोम मोन्नाय जया भादुङ्गि बिफा तरुण कुमार भादुङ्गिआ सासे खौरंगिरि, लिरगिरि आरो खन्थाङ्गिरिमोन। सावथुनआव फाव खालामनो गोसो गोनांनि जाहोनाव जया भादुङ्गिया गावनि स्कुलनि सोल्लोंथाइ लानायखों आबुं खालामायनि उनाव पुणायव भारतीय सावथुन आरो टेलिभिजन फसंथान न'आव मुंथिसनो, जायनिफ्राय बियो



डिग्रिखों मोन्नो हदों। जया बच्चनआ गावनि दासिमनि केरियरआव माखासे बंगलि सावथुनफोरावबो फाव खालामदों। एक्टि केरियारनि

उनाव जया बच्चनआ राजखान्थियाव आगान होयो, नाथाय बाडाइ सुबुंफोरा मोनथियो जानांगौदि, जया बच्चनआ फावखुंग्रि,

पलिटिसियन जानायजों लोगोसे स्क्रूट राइटरबो। 1988 आव रिलिज जानाय सावथुन 'शेहेन्शाह' खों साफ्रोमबो गोसोआव दइ जानांगौ। बे

सावथुनआ अमिताभ बच्चननो, जाय मोनखों मोन्होदों बेखों दिनैसिमबो सुबुंफोरा गोसोआव दइ। टिनु आनान्दिनि बिथोन होनायाव बानायनाय 'शेहेन्शाह'आ रिलिज जानायनि लोगो-लोगोनो बक्स अफिसआव सुपारहित फोरमान जादोंमोन। बे सावथुननि सल', डायल गार्सेबो सुबुंफोरनि फेब्रिट जादोंमोन। शेहेन्शानि सल'खों जया बच्चनआ लिरदोंमोन, नाथाय बे बाश्राखों बाडाइ सुबुंफोरल' मोनथियो। बे सावथुनखों लिरनायनि उनावबो जयाआ स्क्रूट राइटनि मानखों मोन्नो हायाखें, नाथाय बेजों बियो सासे मोजों राइटरबो होन्ना फोरमान जायो। जया बच्चनआ गावनि दासिमनि के रियारआव गोबां हिट सावथुनफोरखों होदों, जायखों दिनैसिमबो सुबुंफोरा नायनो मोजों मोनो। बे सावथुनफोराव उपहार, गुडडी, मिली, करा कागज, जनजिर, अभिमान, चुपके चुपके आरो शले बायदि सावथुनफोरनि मुज दंफादोरो। जयानि गावआरि जिउनि बाश्राखों बुडोवला बियो हिट सावथुनफोरखों होनायनि उनाव बलिउडनि जोहोलाव अभिताभ बच्चनजों 1973 नि 3 जुनआव जुलि जादोंमोन।

माहाम देहानि राहा

बोथोर गरम जानायजों लोगोसे माखासे जेंनायाबो जागायदों

दैआ जॉनि देहानि थाखाय बेसेबां गोनांथार, बेखों साफ्रोमबो मोनथिगौ। जुदि जों नेमखांथि बायदियै दै लोडे अब्ला जॉनि देहानि बांसिन जेंनाफोरानो खावसे जोबसाडे। डिहाइड्रेसनआ बै समाव जायो, जेब्ला जॉनि देहाया दैखों बोनांने लानायनिफ्राय बांसिन बेखों जानगर खालामो। बेनि जाहोनाव गोबां खेब खर' सानाय, मेंनाय आरो खर' गिदिनाय बायदि जेंनाया जानो हमो। देहायाव दैन बाडाइ जानायनि जाहोनाव गोबां खेब माखासे सुबुंफोर थैयोबो। डिहाइड्रेसननि जेंना आरो बेनि लोकोनफोरखों गोथौथै नोजोर होनांगौ। सरसनसा डिहाइड्रेसनजों दै गांनय, खुगा रनखानाय आरो मेंनायखों हमादोरो। जेरव बेनि बेंनाया बांनयजों जिउबो खोमानांनो हागौ।



सोलायनाया गोनांथार।

सनायजों भुगिनादोंब्ला नोंथाड थैजासे बिबाडव दै लॉनांगो। 5. खर' गिदिनाय: देहायाव दैआ बाडाइ जायोब्लाबो खर' गिदिडे। जुदि नोंथाडाबो खर' गिदिडेब्ला बेयो बे बाश्राखों इसार होयोदि, नोंथांनो बांसिन दैन गोनांथि जादों, जायखों नोंथाड आबुं खालामनांगोन। 6. खुगा रनखानाय: देहायाव दैन बाडाइ जानायजों खुगाया रनखानो हागौ आरो खुगाखों सिथाबनाय हमादोरो। बे बायदि हमादोरोब्ला दै गिलाससे लॉनांगो जायजों नोंथाड दसे समनि गेजेरवोनो सोलायनायखों नुनो मोनगोन।

मिनि माथुरआ इन्डियान आइडलनि

थाखोमाना थानाय नंगुबै बाश्राखों फोरमायदों

आथिखालाव रिएल्टी श्व'फोरा दोहौ सोमजिखां होयो, माब्लाबा मोसानायनि रिएल्टी श्व'आ खौराडव थायोब्ला माब्लाबा देखों रोजाबगिरि रिएल्टी श्व'आ सावगय जायो। बावैसो समाव मुंदांखा देखों रोजाबगिरि रिएल्टी श्व' इन्डियान आइडलनि 13 थि सिजनआ गावनि देहासारगिरिखों मोननो हदों। इन्डियान आइडलआव नायगिरिफोर बादायारिफोरनि देखों रोजाबनायखों मोजों मोनो, नाथाय बेजों लोगोसे माब्लाबा माब्लाबा हाइ भल्टेज इमशनेल ड्रामाखों दिन्थिनाय जायो,



गोबां एरैबायदि बाश्राखों फोरमायदों, जाय साफ्रोमखोंबो गोमोहोदों। मिनि माथुरआ बुंदों, बे श्व'आव रिएल्टी बायदि जेबो जाया। बेवहाय गिबियावोनो गार्सेखोंबो सिगाडवोनो मोनथिखाजोबो। मिनि माथुरआ इन्डियान आइडलखों हस्त खालामनायनि थाखाय मोजों रं मोनोमोन। नाथाय बेवहाय रिएल्टी बायदि जेबो गैथैनि जाहोनाव बियो गावखों बे श्व'निफ्राय जानगर खालामबाय। इन्डियान आइडलनि 6 सिजनखों हस्त खालामनायनि मिनि माथुरआ इन्टरभिउआव फोरमायदों, गाव बे श्व'नि माखासे सिजनखों हस्त खालामनायनि उनाव मोनथिनो मोन्दोंदि, आथिखालाव बेवहाय रिएल्टि बायदि जेबो गैला आरो बे श्व'आ रं आरिजनयनि मोनसे जाहोनल' जादों। बे इन्टरभिउआव मिनि माथुरआ बुंदोंदि, साफ्रोमबो बादायारिफोरा गावनि नख 'रनिफ्राय सोर-सोर फैगोन बेखों मोनथिखायो। नाथाय थैवबो श्व'आव बिसोरो सारफ्राइज मोन्नाय बायदि दिन्थिनाय जायो। मख'नो गोनांदि, मिनि माथुरआ गिबि सुबुं नडा जाय इन्डियान आइडलनि नंगुबै बाश्राखों फोरमायदों। बेनि सिगांनो गोबां स्टारफोरा श्व'आव बाहागो लादोंमोन, जायफोरा गिदिर फोरमायदोंमोन।

जायखों नायगिरिफोरा मोजों मोना। गोबां खेब बेबायदि जाहोनावनो इन्डियान आइडल श्व'आ टूलिनि मोगा-मोगिबो जानांगौ जायो। फरसेथि आथिखालाव बे श्व'नि जागायजेंन्याय सिजनआव सरजाबनाय हस्त मिनि माथुरआ

साउथआव जाहन्वी कापुरआ दोहौ सोमजिखां होदों



फोसावनाय जायाखें। नाथाय इसारा मोन्नाय बायदिब्ला, तेलुगु सावथुन बानायगिरिआ जाहन्वी कापुरनि हाबाफारिखों गोबां मोजों मोन्दों। जुदि साउथआव बियो हाबाफारि मावनो मोनोब्ला बियो गावनि बिमा श्रीदेवबी बायदिनो खोला भारतीय सावथुन मुलुगयावबो गावनि जायगा बानायनो हागोन। बेनि गेजेराव 2018 आव रिलिज जानाय सावथुन छडकजों लोगोसे बलिउडआव आगान होसेयावबो जाहन्वीआ दासिमबो हिन्दी सावथुन नायगा नायगिरिफोरनि गेजेराव फोथायनायखों सोलिहोनों हायाखें। छडकनि उनाव घस्ट स्टरिज, गुन्ज साक्सेना: दा कारगिल गाल, रुही मिलि बायदि सावथुनफोरव बिखों नुनो मोन्दोंमोन, गिदिर जाफूसारनो हायाखें। फारसेथि करना जेंनानिफ्रायनो बलिउडनि सावथुनफोरव बक्स अफिसआव प्लप जादों। बेबायदिदियाव हिन्दी सावथुनफोरनि गोबां फिसा-गिदिर स्टारफोरा बेखों गोदोनय जाहाज होन्ना मानिनानै साउथनि सावथुनफोरव गावसोरनि गोसो जानायखों दिन्थिदों। बेवहाय जाहन्वी कापुरआवो थाफादेरदों।

बलिउडनि फावखुंग्रि जाहन्वी कापुरनि मुंदांखा जानाया साउथआव लासै-लासै बांदों। जुनियर एन्टीआरजों लोगोसे तेलुगु सावथुनआव डेब्यु खालामनो थाखाय जाहन्वीआ आबुंडे थियारि जादों। सावथुननि टाइटेलाआ एन्टीआर 30। बेखों कराताला शिबआ बिथोन होगोन आरो बेयो ब्लकबास्टार जागोननि आसा दइ। सावथुननि शूटिंआ आथिखालाव हाइड्राबादआव सोलिदों आरो जाहन्वीआ थाबेनो शूटिंनि थाखाय सौहैसिगोन। बेनि गेजेराव नो आरोबाव सासे खोला भारतनि मुंदांखा बिथोनगिरिआ जाहन्वी कापुरजों सोमोन्दो

लाखिनयनि खौराड गोखोडे गोसारदों। जुदि बे बाश्राया थारब्ला बियो एन्टीआर 30 नि शूटिंनि उनाव गावनि नैथि तेलुगु सावथुनआवबो मुंसाइ होनो हागौ। साउथनि मिडियाआव जाहन्वीनि थाखाय थुलुंगाखांथाव खौराडा गोसारदों। फोरमायनाय बायदिब्ला जुनियर एन्टीआरनि उनाव बिनि गुबुन मोनसे सावथुननि हिर'आ महेश बाबु एवा राम चरण जानो हागौ। बेयो बिथोनगिरि एसएस राजमौलिनि गुबुन सावथुन, जायनि हिर'नि मुज दासिमबो थि जायाखें। आथिखालाव जाहन्वीनि गुबुन प्रजेक्टनि सोमोन्दै मावख'आरि

शाहरुख खाननि गोसो गुवार जानाय आखुआ फेन्सफोरनि गोसोखों देरहा होनो हदों

शाहरुख खानआ बावैसो समाव गावनि हान्जानि इन्डियान प्रिमियर लीग (आईपिएल) मेचनि थाखाय कलकातायाव दावबायहैदों आरो गावनि फाउन्डेसनजों लोगोसे हाबाफारि मावग्रा माखासे एसिड एटाक गालोबजानायफोरजोंबो लोगो हमादों। लोगोसे हमानायनि सावगारिफोरखों बिनि फेन पेजनि गेजेरजों शेरयार खालामनाय जादों। बे सावगारिफोराव शाहरुखखों साफ्रोमबो आइजो जों पस्ट होनाय नुनो मोन्दों। बियो बिसोरजों बाश्रा सावरायनो थाखाय जिगयदों आरो मोनसे हान्जा सेनि सावगारिबो सेबखांदों। शाहरुख खानखों गोसोम गावनि शार्ट आरो डेनिम पेन्टआव नुनो मोन्दोंमोन।



शाहरुख खाननि मिरु फाउन्डेसआ फावखुंग्रिनि बिफा मिर ताज महम्मद खाननि मुडव मोनसे वेलफेयार फाउन्डेसन, हाया आइजो गोहोनि थाखाय हाबाफारि मावयो। बावैसो समाव फाउन्डेसनआ दिल्लीआव जानाय जाथायनि मैहर जानांनय अन्जलि सिंनि नख 'रनो मदत होदोंमोन। फाउन्डेसनआ पस्ट शेरयार

हेफाजाव होनायनि थांखियानो जादों अन्जलिनि फं बाइ बिनानावफोरा थोजासे राहा मोन्नाय, जर'खा महरै बिमानो बिनि देहाजों सोमोन्दोगोनां जेंनाफोरव मदतबो होनाय जादों। मख'नो गोनांदि, टाइम मेगाजिनआ मस्ट इनफ्लुएन्सियल सुबुंफोरनि फारिलाइखों फोसावदों, जेरव शाहरुख खानआ टप खालामदों। बे फारिलाइखों रिडर्सनि गेजेरजों भटनि सायाव बिथा खालामनाय थियारि खालामनाय जायो। टाइम 100 फारिलाइआव किं खानआ गोजौ थाखोयाव थानो हदों। आमेरिकानि पब्लिकेसननि बायदिब्ला बे बोसोराव 1.2 मिलियन एवा 12 लाखआ भट होदों, जेरव बयनिखुडू बांसिन 4 जौखोन्दो भटखों शाहरुख खानआ मोन्दों।

दिशा पाटानिआ आरोबाव खनसे दोहौ सोमजिखां होदों

इन्सटाग्रामआव गोदान सावगारिफोर आरो भिडिअफोरखों शेरयार खालामबाय थायो। दिशाखों बावैसो समाव मोनसे एवाड नाइटआव बलड आखुआव नुनो मोन्दों आरो आथिखालाव फावखुंग्रिआ माखासे सम सिगांसो बे लुकआव मोनसे गोदान नुनो मोनफेरै सावगारिखों शेरयार खालामदों। बेयो मोनसे

मिरर शैल्फ। बे सावगारिया फेन्सफोरनि गेजेराव गोबां दोहौ सोमजिखां होदों आरो दिशानि बे सावगारिखों नुनाने बिसोरो गोबां खुसि जादों। दिशा पाटानिया बे सेल्फिआव बै आउफिटखों गान्दों, जाय फावखुंग्रिआ पिंकविला स्टाइल आइकनस-2 एवाड'आव गान्दोंमोन। फावखुंग्रिया बे सेल्फिआव मोनसे रिभिलिं ड्रेस गान्दों जेरव सिगांसो फार्से टपनि महरै गांसेल' ब्रा गान्दों, जायनि शेषआ मोनसे बेबायदि। फावखुंग्रिआ बे सावगारियाव गावनि किलवेज पलन्ट खालामदों। बे सावगारियाव दिशानि किलवेज आरो टन्ड एक्सनि सायावनो साफ्रोमबो नोजोर होदों। दिशाया सम-सम बे रोखोमनि सिलिफफोर आरो



सावगारिफोरखों शेरयार खालामबाय थायो आरो बिनि इन्सटाग्राम एकाउन्टआ

सुबुंफोरनि गेजेराव बिनि बलडनेसन जाहोनाव गोबां मुंदांखाबो जादों।

पन्नियीन सेलभान-2 नि भिडिअ'आ रिलिज जाबाय

मणि रत्नमनि बिथोन होनायाव बानायनाय सावथुन पन्नियीन सेलभानआ तामिल सावथुन नायगिरिफोरनि ड्रिम प्रजेक्टफोरनि गेजेराव मोनसे आरो बे गिदिर जारिभिनारि ड्रामाखों मोन्ने बाहागोयाव बानायनाय जादों। 2022 नि सेप्टेम्बरआव रिलिज जानाय गिबि बाहागो पन्नियीन

सेलभानआ मोनसे गिदिर हिट फोरमान जादों, जेरव नैथि बाहागो पन्नियीन सेलभान 2 आ 28 एप्रिलयाव रिलिज जानो थाखाय थियारि जादों। पन्नियीन सेलभान 2 नि पस्ट प्रडाक्सननि हाबाफारिया जोबथा थाखोयाव फेबाय। सावथुन पन्नियीन सेलभान 2 नि नैथि भिडिअ भिरा राजा भिरा'आ 9



एप्रिलआव रिलिज जाबाय। बे देखोखों जय रथिनि सायाव

बानायनाय जादों, जेरव अरुणमडिआ बर्मननि फाव

श्रीनगराव खुंनो गोनां जि-20 जथुम्मानि अक्टखौ फोसावबाय

गोदान दिल्ली, 9 एप्रिल: भारतआ चीन आरो पाकिस्ताननि अजदखौ खेरखे राया जासे श्रीनगराव जि-20 जथुमा खुंनानि अक्टखौ थि खालामबाय। शकु बाराव भारतआ गावनि जि-20 केलेन्डरखौ आपडेद खालामना दावबायनायनि सायाव हाबाफारि मावप्रा हान्जानि जथुमा एबा टुस्किम वाकि गुपनि जथुमाया 22 मेनिक्राय 24 मेसिम श्रीनगराव जागोन होना बुंथियो। पाकिस्तान आरो चीनआ काश्मीरआव जि-20 नि वाकि गुपनि जथुमाखौ खुंनानो हास्थाया। बेखौ होबथानो पाकिस्तानआ चौदि आरब, तुर्कि आरो चीनजौबो लोगो लानाने नाजादोमोन। नाथाय भारतआ जथुमायाव श्रीनगरावआवनो जागोन होना रोखा खालामो। मिडिया रिपोर्टनि बायदिल्ला



अरुणाचल प्रदेशनि बायदिनो चीनआ श्रीनगराव जानो गोनां जथुमानिक्रायबो जानगराव थानो हागौ। मख 'जाथावदि, श्रीनगराव जानो गोनां जि-20 जथुमानि थियारिखौ थानाय बोसोरनिफ्रायनो जागायदोमोन। जर'खा बाथाया जादोदि, भारतनि गासैबो दर 28 रज्ज्योफोर आरो दर 8 मिरुजो

खुंनय रज्ज्योफोरज जि-20 नि जथुमाखौ खुंनो लानाय जादो। बेखौ नोजोर होना अरुणाचल प्रदेश आरो जम्मु काश्मीरआवबो जथुमा खालामनायनि थारिख लादोमोन। बेखौ लानाने चीन आरो पाकिस्तानआ अजद होदोमोन। फैनु गोनां माखासे दानाव चीनजौ जानो गोनां गोजौ थाखोनि सावरयमेलनि

अनगाथै श्रीनगराव जि-20 नि जथुमायाबो खुंनानो चीननि रैखाथि आरो गुबुन हादतयारि मन्थिफोर एससिअ जथुमानि थाखाय थाबैनु भारतआव फैगोननि आसा दड। एसपिअनि सिखर सम्मेलननि अक्टफोरखौ जोबथा महरै थि खालामनो थाखायबो भारतआ आधिखालाव चीन, रासिया आरो गुबुन सोद्रोमा हादतफोरजौ सोमोन्दे लाखिदों।

पिएम मदिआ बाब्दीपुर टाइगार रिजाभआव दावबायहैदो

गोदान दिल्ली, 9 एप्रिल: गाहाइ मन्थि नरेन्द्र मदिआ कर्नाटकनि बाब्दीपुर टाइगार रिजाभआव दावबायहैयो। सुलुडाव फोरमायनाय बायदिल्ला, गाहाइ मन्थि नरेन्द्र मदिआ दिने बाब्दीपुर नेशनेल पार्कआव इन्टरनेशनेल बिग केटस एलाइन्स (आइबिसिए) खौ जागायगोन। इन्टरनेशनेल बिग केटस एलाइन्सआ मुलुगनि मोन 7 गाहाइ गिदिर जुनातफोर जैरे- मोसा, शिंह, लिउपाट, हिम लिउपाट, प्युमा, जग्नआर आरो चिताखौ संरैखाथि होनायनि सायाव गोनांथि होगोन। अदेबानि गाहाइ मन्थि मदिआ थानाय 2019 नि जुलाइ दानाव मुलुगयारि दैदेनगिरिफोरनो बे थांखिखौ मिबथिहोदोमोन। जाहाथे एसियाआव बे जिबफोरखौ आइन बेरेखा मैहुँर आरो फालांगिखौ होबथानो हायो। सुलुडाव फोरमायनाय बायदिल्ला, हादतआव थानाय



2014 नि उननिक्राय बे मोन 7 जिबफोरनि थागिबिआ बांदों। बेयाव मोसाफोरनि अनजिमाया 33 जौखोन्दो बांनाने 2018 आव 2,967 आव सौहैयो आरो 2014 आव बेयो 2,226 मोन। मोसाखौ थानाय 2018 आव जोबथा खेब सान्नाय जादोमोन। सुलुनि बायदिल्ला, प्रजेकट टाइगारनि 50 बोसोर आबुं जानायाव गाहाइ मन्थि नरेन्द्र मदिआ दिने थानाय 2022 नि सान्नायनि सायाव बिथा

खालामनाने मोसाफोरनि गोदान अनजिमाखौ फोसावगोन। बेनि अनगाथै गाहाइ मन्थि नरेन्द्र मदिआ दिने बाब्दीपुर टाइगार रिजाभआव रैखाथि होना नाजानायफोराव थाफानाय फ्रन्टलाइन फिल्ड स्टायफ आरो गावसोरनो हेफाजाब होप्रा हान्जाफोरजौ लोगोसे सावरयगोन। गोखोडै रैखाथि होनायनि फि थाइ महरै गुजरातयाव शिंहनि अनजिमाया 29 जौखोन्दो बाडो। बेयो

2015 आव 523 निखुइ बांनाने थानाय 2020 आव 674 आव सौहैयो। बेरा फारसे लिउपाटनि थानाय 2014 नि थागिबिया 7,910 निफ्राय 63 जौखोन्दो बांनाने थानाय 2018 आव 12,852 जाहैयो। थानाय बोसोराव सरकारआ नामिबियानिक्राय हादतआव चिता लानाने फैदोमोन। बेनि गोजेराव मासे चिताया मात्रै फिसाफोरखौ जोनोम होयो।

दिल्लीजौ लोगोसे माखासे रज्ज्यो- फोराव गरमआ बांफिनो हमदों



गोदान दिल्ली, 9 एप्रिल: हादतनाडै सान्दुनि दुंनया आधिखालाव आरोबाव बांफिनो हमदों। महारियारि राजथावनि दिल्लीजौ लोगोसे सा-भारतआव बिदुङ बांनयजौ लोगोसे गरमाबो बांनो हमारो। खोलानि माखासे रज्ज्योफोरावबो मेक्सिमम बिदुङ बांनो हमदों। बे रज्ज्योफोराव बिदुङ 28-40 डिग्रिनि खाथियाव दिखानो मोनगासिनो दड। बोथोर

बिफाननि बायदिल्ला, थानाय 24 घन्टयाव विदर्भ, मराठवाडा आरो छतीगड, मध्य प्रदेश, गेजेर महाराष्ट्र, तेलंगाना आरो केरेलायाव सरसनस्नानिक्राय गेजेर थाखोनि अखा हायो। बेनि गेजेरजौ बोथोर बिफानआ खावलायोदि, फैगौ सान 4-5 नि गेजेराव हादतनि बांसिन बाहागोयाव मेक्सिमम बिदुङ 2-4 डिग्रि सेल्सियस बांगोन। दिल्लीनि मिनमाम बिदुङ थानाय शनिबारखालि 14.1

डिग्रि जादों, जाय सरसनस्नानिखुइ 6 डिग्रि कम। 2023 नि एप्रिलाव बयनिखुइ खम बिदुङ दिखानो मोन्दों। बेरा फारसे मध्य प्रदेश, उरिष्वा, महाराष्ट्र आरो छतीसगडआव गोखे बार आरो सा-अन्धाइजौ लोगोसे बिदुङ दावखलायनो हागौ। बोथोर बिफाननि बायदिल्ला, फैगौ सप्ताहसेनि गेजेराव केरेला आरो तामिलनाडुयाव फैगौ सानबासिमाव सरसनस्नानिक्राय गेजेर थाखोनि अखा हानो हागौ। बेराफारसे, अन्ध्र प्रदेश, तेलंगाना आरो कर्नाटकआवबो बे रेखोमनि थासांरि सोलिबाय थागोन। आइएमडिआ केरेला आरो तामिलनाडुनि थाखाय येल एलार्ट फोसावयो। हाइब्रादआव सार-अन्धाइजौ लोगोसे अखा हानो हागौ आरो तिरुवानन्तपुरम आरो कन्चियाव फैगौ सानबासिमाव गेजेर थाखोनि अखा आरो सार अन्धाइ गोलैनु हागौ।

गोदान दिल्ली, 9 एप्रिल: सोलौंथाया मोनसे सुबुंथियारि मोन्थाय आरो मोनसे रज्ज्योयारि बिबान। इउएननि सुबुंथियारि मोन्थायफोरखौ फोसावनाय आरटिके 26 आव सोलौंथायनि मोन्थाया दफायो। बे फोसावनाय फ्रि आरो गोनांथार जानाय गुदि सोलौंथायखौ दाबि दैखाडो। भारतजौ लोगोसे माखासे हादतफोरजौ सोलौंथाया लान्थ्रिये बेसेन गोसा जालांगासिनो दड। अदेबानि प्राइभेट फरायसालिफोर फिसनि अनगाथै गोबां रोखोमनि चार्जफोरखौ पेरन्टसफोरनिफ्राय लायो। बे बायदि माखासे फरायसालिखौ जौनि खाथि-खालायावबो नुनो हागौ, जेराव सरसनस्ना सुबुंफोर गावसोरनि गथ 'फोरखौ फोरनो सानोबो हाया। जौ दिने बेयाव बेबायदि फरायसालिफोरनि सोमोन्दे सावरयगोन।

मुलुगनि माखासे बेसेन गोसासिन फरायसालि



1. एएलन कलेज: ब्रिटिश आर्टिटेक्ट जन सि कार्लेटआ थानाय 1949 आव बे फरायसालिखौ गायसन्दोंमोन। बे फरायसालियाव दर 65 हादतफोरनि सा 422 फरायसाफोरा फरायो। जुदि, नौथाडबो बेयाव यथखौ फोरनो सानदौंला बोसोराव 1.20 लाख डलार एबा 98 लाख रां जानांगोन।

2. सुइजकारलेन्डनि इनस्टीटुट ले रजि: बेखौ मुलुगनि बेसेन गोसासिन फरायसाफोरनि गेजेराव सानफानाय जायो। बे फरायसालिनि फिजौ नोथाड भारतआव गंसे बेसेन गोसा न' बायनो हागोन। बे फरायसालिखौ थानाय 1880 माइथायाव एमिल कर्नलआ गायसन्दोंमोन। बे फरायसालिनि बोसोराव फिसआ 125,000

एबा 1.12 लाख रनिखुइ बांसिन। 3. एल्पिन व्यु सलेल कलेज: सुइजजालेन्डनि बे बरिड फरायसालिखौ 1910 माइथायाव गायसन्दोंमोन। बेनि बोसोराव फिसआ 1.16 लाख डलार एबा 1.30 कौटि रां। बेयाव 11-18 बोसोर बैसोनि सा 250 गथ 'फोरनि एडमिशन लायो। बे फरायसालियाव

बोसोरसेनि इनिफोर्मखौ 5 लाख रडव मोनो। 4. सेन्ट जर्ज इन्टरनेसनेल फरायसालि: बेयो सुइजजालेन्डनि मन्ट्रेक्सयाव दड। बेखौ 1927 आव गायसन्दोंमोन। बेयाव दर 60 निखुइ बांसिन हादतफोरनि सा 400 फरायसाफोरा फरायो। बेनि बोसोराव फिसआ 96 लाख रां। बेनि अनगाथै एडमिशन फिसखौ आलादायै लानाय जायो। 5. लेयसिन आमेरिकान स्कुल: बे फरायसालियाव फरायग्रा साफ्रोम फरायसाफोरनि बैंक एकाउन्टयाव 8 लाख रडव जमा थाथारनांगो। बेयावनि बोसोररि फिसआ 95 लाख रां। बेयाव गासै सा 340 फरायसाफोरा फरायो। एलएसए लेयसिआ वाउड, सुइजजालेन्डनि अल्पाइन रिसेट गामियाव दड।

पान्जाबआव फैगौ 14 मेयाव बिसायख 'थि जागोन

इस्लामाबाद, 9 एप्रिल: पाकिस्ताननि पान्जाब ओन्सोलआव फैगौ 14 मेयाव बिसायख 'थि खुंनो थाखाय पाकिस्तान बिसायख 'थि आयग इंसिपिनो फान्ड फोसावनांगो एबा गोजौ बिजिस्सालिनि बेजौ सोमोन्दो थानाय बिथोन फोसावनांगो। बे आयदानि सायाव थांखि लानो थाखाय रबिबाराखालि संघीय केबिनेटनि इमार्जेन्सि जथुमा लिडो। जायमानि मिडियाआ बेनि खौरां होयो। 'डन' खौरांलाइनि खौरांनि बायदिल्ला, पाकिस्ताननि खौरां मन्थि मरियम औरजेबआ बुडोदि, गाहाइ मन्थि शहबाज शरिफनि दैदेनायाव संघीय केबिनेटनि



जथुमाया लाहराव जागोन। आधिखालनि आयदाफोरनि सायाव बेयो मोनसे मख 'जाथाव जथुमा। आधिखालाव बेनि एजेन्डाखौ दासिमबो फोसावनाय जायाखै। बे जथुमायाव गासै मख 'जाथाव थांखि लानो हागौ। केबिनेटनि बांसिन सोद्रोमाफोरा भिडिय लिंकनि गेजेरजौ जथुमायाव

बिजिस्सालिनि गेजेरजौ होनाय बिथोननि गेजेरजौ राजखान्थि महरै मख 'जाथाव पान्जाब सुबुंयाव फैगौ 14 मेयाव बिधान सभा बिसायख 'थि खालामनो फोसावदोंमोन। साथम सोद्रोमागिरि उमर उता बन्दियालनि साथाम सोद्रोमायारि पीठाआ बावयैसो समनि गेजेराव पान्जाब बिधान सभानि थाखाय फैगौ 14 मेयाव भटनि अक्टखौ थि खालामदों मोन। लोगोसे पाकिस्ताननि बिसायख 'थि आयगनि बै थांखिखौ होबथादोंमोन, जेराव सुबेयाव बिसायख 'थिनि अक्टखौ 10 एप्रिलनिक्राय बांनाने 8 अक्टवर खालामदोंमोन।

बिजिस्सालिनि गेजेरजौ होनाय बिथोननि गेजेरजौ राजखान्थि महरै मख 'जाथाव पान्जाब सुबुंयाव फैगौ 14 मेयाव बिधान सभा बिसायख 'थि खालामनो फोसावदोंमोन। साथम सोद्रोमागिरि उमर उता बन्दियालनि साथाम सोद्रोमायारि पीठाआ बावयैसो समनि गेजेराव पान्जाब बिधान सभानि थाखाय फैगौ 14 मेयाव भटनि अक्टखौ थि खालामदों मोन। लोगोसे पाकिस्ताननि बिसायख 'थि आयगनि बै थांखिखौ होबथादोंमोन, जेराव सुबेयाव बिसायख 'थिनि अक्टखौ 10 एप्रिलनिक्राय बांनाने 8 अक्टवर खालामदोंमोन।

भारतनि हेल्थकेयार सेक्टराव बयनिखुइ देरसिन रादाय

गोदान दिल्ली, 9 एप्रिल: भारतआरि हेल्थकेयार सेक्टराव बयनिखुइ देरसिन रादाया गावनि जोबथा खोलोबाव सौहैबाय। सिंगापुर सरकारनि गावआरि इन्व्हेस्टेन्स खालामग्रा कम्पनी टेमासेक हल्डिंसआ 16,500 कौटि रडव बेंगालुरुनि फर्म मणिपाल हेल्थ एन्टरप्राइजेजआव उफ्रा 41 जौखोन्दो बाहागो लानायनि हाबाफारियाव दड। बे बिथिजौ लोव्वा गोनां सुलुनि बायदिल्ला, टेमासेक हल्डिंसनि मदतगिरि शिपर्स हेल्थनियाव मणिपालयाव सिगांनिक्रायनो 18 जौखोन्दो बाहागो दड। आधिखालाव बिसोर मणिपाल हेल्थ एन्टरप्राइजेजयाव गावनि बाहागोखौ बांहोनो थाखाय भारतआरि फाहामथाय बिथिनि बयनिखुइ देरसिन रादाय खानो थांगसिनो दड। बे रादायखौ फैगौ सप्ताहयाव मावख 'आरि फोसावनो हागौ। बे रादायनि थाखाय मणिपाल हेल्थनि बेसेनखौ गासै 40,00 कौटि रां खालामनाय जादों। बेनि सोमोन्दो खालामनायनि सायाव मणिपाल हेल्थ एन्टरप्राइजेजआ बिबुंथि होनो नेवसियो। बेराफारसे, टेमासेक हल्डिंसआ बुडोदि, नेमखान्थि बायदि जानायनि जाहोनाव टेमासिक बाजारनि सान्थिफोरनि सायाव जेबो बिबुंथि होया। गनायना लानाय बायदिल्ला, मणिपाल हेल्थनि सामलायगिरिफोरा माखासे नख 'र



आरो टिपिजि केपिटेलजौ लोगोसे गुबुन शेयार खालामग्राफोरजौ शेयारफोरखौ दखल खालामनाने बे रादायखौ फिन्नाय होनाय जागोन। दासान्दि माखासे नख 'फोरनिफ्राय कम्पनीनि 52 जौखोन्दो बाहागो दड। जाय रादायनि उनाव दावखलायनाने 30 जौखोन्दोल 'थाहोगोन। बेबायदिनो टिपिजि केपिटेलनि बाहागोयाबो 22 जौखोन्दो दावखलायनाने 11 जौखोन्दोयाव फैनो हागौ। बेरा फारसे, मणिपालयाव गासै 8 जौखोन्दो बाहागो लाखिग्रा नेसनेल इन्फ्रास्ट्राक्चर इन्व्हेस्टेन्स फान्डआ बे रादायनि उनाव आवुडै बाइजोयाव थागोन।

ताइवाननि सिमायाव चीननि गं 71 सान्थिनि उरां जाहाज आरो जहाज नुनो मोन्दों

ताइपे, 9 एप्रिल: ताइवाननि हादतगिरिआ आमेरिकयाव दावबाहेनायजौ चीन आरो ताइवानआव जेनाया गोबां बांसिन जादों। ताइवान मिडियानि दाबि दैखानाय बायदिल्ला, शनिबार चीननि गं 71 सान्थिनि उरां जाहाज आरो गं 9 जाहाजखौ ताइवाननि सिमा साखाथियाव नुनो मोन्दों। ताइवाननि मिनिस्ट्री अफ नेसनेल डिफेन्सनि बुनाय बायदिल्ला, गं 45 उरां जाहाजफोरा ताइवाननि अख्रामा सिमानि सिखव हाबहैंदो। फारसेथि ताइवानआव थानाय

आमेरिका थादँ मावख 'आ रबिबाराव फिन्नाय फोसावनाने बुदों आमेरिकया चीननि दावहानि हुदा खालामनायाव नोजोर लाखिना दड। लोगोसेनो आमेरिकया फोथायनाय देदि, ओन्सोलारि गोजोनखौ गायसनो थाखाय बिहा थोजासे जोन्थोर आरो गोहोबो दड। मिडिया रिपोर्टनि बायदिल्ला, ताइवाननि रैखाथि मावख 'आ चीननि जाय उरां जाहाजफोरखौ ताइवाननि सिमा सेराव ट्रेक खालामना मोन्दों बेयाव चीननि दावहानां उरां जाहाज जे 10, जे 11

आरो जे 16 आबो दफन्धोमोन। बेनि अनगाथै चीननि ट्रन्सपोर्ट उरां जाहाज बमा होप्रा उरां जाहाज आरो संग्राथि होप्रा उरां जाहाजआबो दंमोन। मख 'जाथावदि, चीन सान्थिआ सान 3 सिम ताइवाननि सोरिगिदि दावहानि हुदा खालामनो फोसावदों, चीननि बे फोसावनाया ताइवाननि हादतगिरि साइ इ वेनि आमेरिकयाव दावबायहेनाय आरो बेयाव आमेरिकनि गाहाइ सदननि बुंथिगिरिजौ लोगो हमनायनि उनाव सोरखव फैदों। ताइवानआ दरसे द्वीपआरि

हादत आरो चीननि खोला सान्जा बोर्मानिक्राय 100 माइल गोजानाव दड। चीनआ ताइवानखौ गावनि दरसे आंगो रज्ज्यो होना गनायो। बेनि जाहोनावनो चीनआ ताइवाननि बवेबा गुबुन हादतफोरजौ सोमोन्दो लाखिनायखौ सहयनो हाया। चीनआ ताइवानखौ गावजौ बुजाबना लाथागोन होनाबो चीननि हादतगिरि जिनिपिआ बुंथांवाय। नाथाय ताइवानआ गावखौ दरसे उदां हादत होना गनायो, जायहा गावनि संबिजिर आरो सायख 'जानाय सरकार दड।

75
Azadi Ka
Amrit Mahotsav



सत्यमेव जयते
आसाम सरकार

G20
भारत 2023 INDIA
वसुधैव कुटुम्बकम्
ONE EARTH • ONE FAMILY • ONE FUTURE

समबाय विफाननि बान्जायनायाव समबाय मेला 2023



10, 11 आरु 12 एप्रिल, 2023

जायगा :

श्रीमन्त शंकरदेब कलाक्षेत्र, गुवाहाटी

ड॰ हिमन्त बिश्व शर्मा

मानगोनां गिबि मन्थि, आसाम

- समबाय समितिनि गेजेरजों दिहुनजानाय बायदिसिना मुवाफोर दिन्थिफुंनाय आरु फान्नाय ।
- समबाय गोख्रों खालामनायजों लोब्बा थानाय बायदिसिना आयदानि सोमोन्दै सावरायनाय ।
- फरायसालिमाफोराव रेजिस्ट्रेसन जानाय गोदान समबाय समितिफोरनो रेजिस्ट्रेसननि फोरमानलाइ गथायनाय ।
- समबाय समितिनो रांखान्थि मददनि फोरमानलाइ गथायनाय ।
- मोन 757 गामि पन्चायत थाखोनि समबाय समिति (PACS) आव सरासन्त्रा सिबिथाय मिरु (CSC) नि जागायनाय ।

फै समबाय मेलायाव बाहागो लानानै समबाय सोमावसारनायखौ गोथाडै लाखिनि ।

फोरमान आरु सुबुं फोनांजाब बिथोनगिरि मावख', आसामजों फोसावजानाय

Connect with us [f](#) [t](#) [i](#) [v](#) @diprassam | [dipr.assam.gov.in](#)

आसाम बार्ता साबरक्राइब खालामनो 8287912158 आव Assam लिस्नानै ह्वाट्सएप खालाम ।

JANASANYOG/D/331/23